

近代中國史料叢刊續編第二十九輯
沈雲龍主編

軍興本末紀略

謝蘭生著

文海出版社
有限公司
印行

軍興本末紀略


序


天下事每積於無識而悞於苟安喜事者未可與圖終畏事者不足
與慮始掉空言而招害禍漏卮無補於將來縱小醜以成大愆貽害
莫追既往犬羊無厭百獍有腥羶豺虎難馴四海盡遭荼毒凡茲利
害攸關實既安危繫慨自嘆夷構釁啟外洋輕中國之心粵匪探丸
開盜賊玩官軍之漸 國家承平日久民不知兵交佑武嬉絕不以
弭盜鋤奸為急務一旦跳梁竊發舉國張皇屢霜堅冰其所由來者
久矣嗚呼洪楊諸逆亦羣盜耳初無雄才大畧奇術異能足以傾動
天下不過游手好閒慙不畏死聚眾剽掠以逞其私為民牧者平時
約束無方遇事緝捕不力屢逃法網遂肆猖狂日益蔓延所至糜爛
軍書半午歲久無功諉云劫應紅羊抑亦人心所感召有以至於如
此之極也論賊之勢自粵入楚越衡湘犯長沙跨洞庭擊岳州破武



昌陷安慶順流而下直搗金陵以窺江浙其勢不可遏其鋒莫能當
大江五千餘里席卷長驅如入無人之境歷稽前史未嘗若斯之暴
且劇者當此之時天下事有不堪設想者幸天誘其衷利昏其智不
知固結人心惟事併吞同類識者早已決其無成猶賴朝廷有原
澤年歲無災荒軍力可支餉糈未乏更得向大臣榮張軍門國梁軼
論忠勇識賊虛實屢挫亮賊不敢從此軍威克人人有敵愾之各首
官軍民日起有功不似曩昔望風而逃者皇上軫念東南賊之財區
文物聲華之地淪陷日久宵旰憂勤特簡重臣指授方畧畀以討賊
之任於是二三元老和衷協力共濟時艱數年之中盡殲醜類擬將
軍興始末敘述成為編以資採擇方以見聞未能該博老病日見衰
頹境與心違因循不果日來厚菴司馬出軍興本末絕畧相示問序
於余喜而讀之有先得我心者將天下全局羅布心胸上下三十年

縱橫十八省編年紀事綱舉目張信而有徵久稱良史同治九年成
在辛未花朝姻慝弟左智拜撰謹序





武進謝蘭生晚孝著



溯自道光庚子英吉利越重洋而至內地始擾粵東遂犯閩浙陷舟
山閩廈門瞰招寶寧鄣三城同時失守既而入乍浦抵吳淞口寶山
上海鎮江金陵一帶沿海糜爛其文武殉難諸人皆詳載前刻思忠
錄行不贅士寅恭順就撫歷年無事方冀久安長治共樂成平不料
至道光三十年庚戌廣西逆民洪秀泉倡亂於桂平時廣西因歲飢
多盜新甯逆民李沅發已先於二十九年起事竄擾柳州三十年就
擒粵匪陳亞癸等復姦起洪秀泉等始倡亂為邪教主曾玉珩蕭朝
貴楊秀清相結結韋昌輝石達開馮雲山黃玉崑秦日綱先後入教
誘聚衆三十年六月起事於花州胡以耽游民也林鳳祥海盜也
羅大綱率衆從之前雲貴總督林則徐前雲南提督張必祿奉命

勦辦薨於途又命前兩江總督李星沅督辦派鎮遠總兵周鳳岐
接統張必祿綠營兵馳勦又命前漕督周天爵會辦

咸豐元年辛亥正月洪逆秀泉等偽號王稱太平天國二月命廣

州副都統烏蘭太幫辦廣西軍務三月至粵西與向榮會勦賊稍戢

三月命大學士賽尚阿率都統巴清德達洪阿馳往楚粵之交防

堵又命周天爵專辦軍務藩司勞崇光署廣西巡撫又命賽尚

阿為欽差大臣授鄒鳴鶴為廣西巡撫李星沅疾篤回籍養病旋

以疾薨四五兩月烏蘭太敗賊於象州三戰三捷六月賽大臣破賊

於新墟七月派烏蘭太達洪阿秦定三等攻賊西北總兵李能臣等

攻賊東南巴清德向榮由紫荆山攻其後路直登仔峽賊大潰遂奪

雙髻山要隘八月賊竄永安閏八月永安州陷九月賽移營陽朔丁

月烏攻莫家村大捷十一月合攻永安十二月賽親駐永安督勦

咸豐二年壬子正月四面進攻參將李廷楷陣亡十二日賊撲營二月十日潰圍東竄收復永安州城擒偽天德王洪大全械送京師二月十八日烏都統追賊上山岡向榮飭四總兵接應賊合隊復戰烏蘭大怒馬突陣冲出重圍長壽董先甲邵鶴齡四鎮陣亡賊竄往距省六十里之六塘墟烏都統追至將軍橋中流砲傷劇旋逝三月東逆楊秀清等從小路撲桂林省城北逆韋昌輝即韋振亦至向榮先一時馳進省垣會巡撫鄒鳴鶴藩司吳鼎昌等晝夜守禦相持一月解圍賊北竄四月賊由興安攻全州內薄城根復穴地而進雷發城陷浙江知縣江忠源堵之於叢衣渡賊舟通過擊之偽南王馮雲山中砲死賊棄船東走道湖州南提督余萬清棄城走五月州城陷六月賊自道州犯江華寧遠嘉禾和春常程踞其後賊敗走於二十九日竄陷桂陽州把總邢虎臣戰死江忠源揮勇進攻破之賊棄城

走郴州忠源會軍相持三月西逆蕭朝貴等率死黨趨長沙七月二十八日賊至省和春江忠源等追抵長沙八月賊踞城南及小西門妙高峯鰲山等處高阜巡撫駱秉章提督鮑起豹在籍巡撫羅繞典黃冕唐際咸等督團勇登陴固守新撫張亮基自雲南而至會黨堵勦向榮率張國樑踵至紮營西岸嶽麓山一帶遊擊蕭逢春都司鍾聖脈戰死總兵秦定三和春等紮營天心閣朝夕夾擊九月二十九日南月城西奎星樓側地雷忽發城墜四丈餘賊遂擁而上四川越雋營參將張協中槍殞命副將鄧紹良大呼躍出城鬪于歙歙賊炮平穿膊屹立不動弁兵齊下殺退賊眾十月初二日城外金鷄嶺地雷再發和春堵之十八日奎星樓地雷再發副將瞿騰龍堵之賊勢漸形窮蹙洪秀泉等遂於十九日夜從浮橋瀝湘水由回龍塘竄去由甯鄉至益陽參將紀冠羣追賊陣亡賊出臨資口渡洞度十月陷

岳州府湖北提督博勒恭武先三月棄城逃走砲位等件盡為賊有
賊逸奪民船五十餘隻東下十一月初九二十五六日等日攻撲漢
陽府二十七日府城陷陝西副將朱瀚陣亡知府董振鐸巷戰死十
二月賊規武昌漢陽府離省僅隔江面七里賊以船作浮橋將索環
之自漢陽直達武昌省城西圍築壘分門攻撲總督程潛采駐衡州
惟巡撫常大滄督兵防守省城賊未至巡撫偏聽唐光照計縱火盡
燬城外民房民怨沸騰遂得從文昌門穴深丈餘十二月初四日黎
明地雷忽發省城陷巡撫常大滄學政光祿卿馮培元藩司梁星源
臬司瑞元漢黃道王壽同盟道王東槐署鹽道林思禧武昌府明善
武黃岡知州祖銜等皆殉難江夏縣續麟持矛巷戰死尤烈湖督程
潛米統職張亮基代

咸豐三年癸丑正月向榮等日夜攻武昌省城踞賊遂全股下竄

尚阿徐廣縉先後逮問 命向提督榮為欽差大臣追賊東下賊分
兩岸夾江以行過黃州武昌蘄水蘄州直抵廣濟縣之武穴鎮向榮
等於賊竄出後收復湖北省地江督陸建瀛先奉 欽差大臣之
命防江皖調兵駐武穴下之老鼠峽會合前兵堵禦賊眾驟至壽春
總兵恩長戰歿舟師潰陸總督自龍坪退回金陵一籌莫展江西巡
撫張芾駐瑞昌防守陸路九江未設防賊遂薄九江而下十七日陷
安慶省城安徽巡撫蔣文慶乘小轎出城被賊殺死藩司李本仁退
守舒城臬司張熙宇帶砲船防守小孤山亦退回均奉 旨逮問正
陸督從金陵即帶廣艇舢板船進防蕪湖下之東西梁不戰而退
正月二十五日賊船順流而下二十六日福山鎮陳勝元拒賊中砲
落水死二十九日賊船自新州至新洲七里洲止二月初十日儀鳳
門地雷舉發賊驟登二雷又發大隊擁至另股由三山門越城而入

將軍科舉都統霍隆武率滿營兵相持兩日夜力竭殉難總督陸建
瀛提督福珠隆阿均被戕鹽道秦文鈞糧道陳元讓江甯府魏亨達
前浙江樂清協副將湯貽汾前廣西巡撫鄒鳴鶴均在城殉難上元
縣劉同纓朝服升堂自經向榮追賊至金陵結城東孝陵衛內閣學
士許乃鈞奉命幫辦江南軍務馳驛至金陵孝陵衛向營會辦楊
廷選悍賊林鳳祥羅大綱李開芳曾五昌等率賊眾東下二月二十
一月陷鎮江府二十三日陷揚州府分據瓜州浦口各要隘以阻南
北援師三月初六日向大臣與許乃鈞彭玉雯等籌商分路進攻進
濟等門十一日官兵襲占七堯橋十三日奪獲鍾山大營殺進城垣
賊不敢出派李德麟鄧紹良攻鎮江燒賊船多隻賊水隊漸斂四月
滑縣楊殿邦督同運司但明倫劉良駒會琦大臣善直隸提督陳金
綬內閣學士勝保等先後督兵攻揚州盡獲勝仗賊酋林鳳祥由揚

州分擾滁州踞臨淮關陷鳳陽府勝保由揚州分兵進勦賊分竄六合該縣溫紹源拒之於龍池賊斃賊數十賊遁回金陵五月閔督憲成署潛督查文經旣撫福濟先後回兵圍攻揚州左副都禦史雷以誠廣延豪俊募勇自成一軍紮營揚城東南之萬福橋距賊營其近與各營相犄角勝保赴河南勦匪以誠升刑侍幫辦琦營軍務逆匪自入粵楚湖北蟻賊如蝟毛長江而下則監利石首沔陽通城崇陽蒲圻為之壑襄河以上則安襄荆德受其災湖督張亮基檄諸郡邑練團勦匪湖南鄉兵為諸路倡曾國藩親喪在籍詔使團練詳設方畧其制以每營五百人擇官紳誠樸率之湖督張亮基奏請江忠源署湖北臬司奉 旨飭赴江南營並將熟悉形勢之漢陽同知張曜孫一弁帶往逆黨由鳳陽竄擾河南東逆楊秀清遣劇賊吉元元等擾亳州一帶與陷鳳陽逆林鳳祥合股乘間竄陷河南永城縣知縣

呂贊陽及子呂墳死之五月初七日闖入歸德府城將窺開封府藩
司沈兆澧臬司林揚祖登陴回守賊由睢州甯陵杞縣陳留逕撲開
封將軍托明阿提督善祿都統西陵阿等奮力擊退賊回朱仙鎮退
竄中牟縣奔黃河邊西北風大作溺死賊匪無算 命直隸山東山
西各督撫合力防河直督訥爾經額為 欽差大臣統之五月十七
琦善飭肅州鎮雙來會臬司查文經學士晉康攻揚州城不克瓜州
紳士侍讀銜中書鍾淮攻賊於江口戰死虹橋東逆遣偽豫王胡以
眈攻破集賢關再陷安慶又遣偽丞相賴漢英石祥貞攻九江湖口
進圍江西南昌江忠源星馳入城會巡撫張芾在籍尚書陳孚恩分
三路殺出糧道鄧仁堃知府耆齡林福祥助戰均獲勝仗賊用地雷
於得勝門新築月城轟塌城墻穴丈餘江忠源弟忠濟率楚勇抵禦
賊賊多名賊始退六月初逆黨渡黃分擾河南鄭州滎陽圍懷慶府

訥大臣遣將軍托明阿提督善祿都統五陵阿帶兵渡沁河由武陟一路勦捕連戰皆捷六月十三日鄧紹良京峴山營船被鎮江逆匪竄撲焚燒兵潰紹良退三馬陵經督帶廣艇浙江藩司麟桂飛調督帶潮勇都司劉廷鏌陸路追勦並派浙江隨營委員補用知縣謝蘭生持令蕭飛調艇師水路截擊賊見水陸兵至不敢下竄由馬陵遁回鎮城紹良由丹陽收集潰兵奏參革職留營効力江蘇直隸州許道身兩淮運判杜文瀾參將師長鏞等用樓船倚城如雲梯以攻揚州參將馮景尼伏東岸琦善派總兵雙來攻北城中砲殞命總督慧成奏參馮景尼革職雷侍郎以誠創議捐釐金以濟軍饟七月北軍解懷慶之圍髮逆圍江西南昌曾侍郎國藩駱巡撫秉璋派兵馳勦以候補道員夏廷樾編修郭松燾知縣朱孫詒諸生羅澤南監護行軍官帶之員則謝邦翰易良幹楊臣羅信南屈景輝也均於七月二

十日抵南昌進兵易良幹楊况臣歿於軍江忠源急調劉長佑與弟
忠叔募湘勇至吉安一戰而圍解分勦太和安福平之八月懷慶逆
匪竄山西之垣曲縣河東道張錫蕃知縣安宗望均被戕斃踞曲沃
陷平陽府直抵洪洞縣巡撫哈芬奉 旨逮問 命勝保為欽差大
臣前署江督楊文定京口都統文藝逮問遣戍直督訥爾經額革職
逮問 命惠親王為奉命大將軍科爾沁郡王僧格林沁為叅贊大
臣會勝大臣保進勦都城設巡防所進攻南昌九十餘日八月圍解
九月賊竄入湖北境湖督張亮基遣同知勞光泰等率砲船至田家
鎮飭糧道徐豐玉漢黃道張汝瀛防堵賊踞山開砲轟擊徐豐玉張
汝瀛荆門州李標候補知縣林文浩等皆陣亡時九月十三日也陷
遂伯黃州知府金雲門號菊仙及妻女同時被害漢陽府俞舜卿知
縣劉鴻庚殉難九月十九日勝大臣保派綿洵等攻深州二十日收

復州城十月逆黨擾天津踞靜海縣擊敗之二十七日又擊敗於獨
流楊柳青等處賊由湖北漢陽竄德安漢陽同知伍惺截擊賊退黃
州燕逆秦曰綱於十月十四日進撲安徽桐城縣陷之二十九日復
陷舒城臬司張熙宇退守大關總兵恒興退回廬州奉 命在籍團
練 欽差呂侍郎賢基委員徐啓山均在舒城殉節刑部主事朱麟
祺接仗陣亡張熙宇奉 旨正法十一月琦善攻揚州益急金陵之
逆來援並遣賴漢英等領江西敗匪合儀徵之敗賊同援揚州潯江
之賊由蕪湖進泊高渚而窺東壩以解鎮江之圍向大臣永鄧紹良
等守東壩十一月二十三日天津賊傾巢而出副都統佟鑑天津縣
謝子澄陣亡賊由三汊河進撲馮景尼師長鑣張翊國兵勇潰散十
一月二十六逆全股突出與賴漢英各逆由東路竄赴瓜州琦善遂
收復揚州府奏參馮景尼奉 旨軍前正法師長鑣張翊國遣戍曾

大臣國藩建三省會勦議治戰船於衡湘有拖呂快蟹長龍舢板諸
艦募水勇四千分前後左右中正副為十營每營快蟹長龍各四舢
板倍之以褚汝航楊岳斌原名載福彭玉麟羅澤南等分領以曾國
葆等領陸路十營曾大臣親自督率由衡湘水陸夾江而下十二月
鎮揚瓜儀四處之賊退踞瓜州十二月初十日克復儀徵縣迨至瓜
州廬州事急開巡撫江忠源至兵民爭登陴悍衛豫逆胡以狀率黨
回廬州府江巡撫駐水西門賊穴東城威武門為保道擊之賊反奔
復穴水西門城崩數丈擊斃賊匪多名城卒完十二月十六日再穴
水西門城崩賊盡入巡撫揮兵相搏勢不能支左右血刃擁護巡撫
手劍自刎健兒負之行噲其項脫身投古塘死同死者藩司劉裕鈞
池州府陳源克己革藩司李本仁同知鄒漢勳胡子雖副將松安雲
南鶴麗鎮都司戴文蘭都司馬良勳縣丞艾廷輝興福等

咸豐四年甲寅正月初八日我軍大破獨流賊巢餘匪由靜海紛竄
占踞東城陳官桃園社九等村僧王勝大臣督軍追勦張署督亮基
調山東巡撫吳總督文銘抵任即奉旨出省督師是年正月十五
日全股悍賊自黃州城驟至連營火起兵勇大潰吳文銘墜馬陣亡
二品臬司唐樹義率水勇砲船退赴金口賊眾蟻集坐船為賊擊沉
唐樹義落水身死二月揚州軍追勦瓜州賊總兵翟騰龍陣亡逃匪
陷安徽太平府前學政孫銘恩殉難二月初一日逆陷岳州分擾靖
江橋口同知趙煥聯等迎擊獲勝是月前浙江布政使汪本銓集捐
銀五萬餘兩募武勇三千四百名督同武進縣孫亮功丹徒縣張心
坦浙江委員候補知縣謝蘭生進攻鎮江府襲奪北固山被廣逆攔
阻功敗垂成三月金陵逆首密令安徽逆眾由豐工偷渡黃河竄擾
山東金鄉縣知縣楊鄭白全家殉難賊進撲臨清州僧王勝大臣派

兵勦殺三月十五日賊用地雷轟陷西城數十丈賊黨擁入城州城
陷并用府臨清州張積功副將德慶署副將慶順參將吉興游擊阿
克陳阿王用安都司武殿魁希奎千總馬諾均陣亡巡撫張亮基因
奏報失實奉 旨革職遣戍 命崇恩授山東巡撫至是與勝保善
祿均革職戴罪自効賊由襄河進陷德安府及隨州棗陽縣署總督
台灣駐隨州武昌門不啟學使侍郎青麟自德安晉省崇巡撫丁憂
青督即接巡撫任三月二十六日克復臨清州城逆匪淨盡東境肅
清四月初九日阜城逆衆全股南竄僧王督馬隊追勦逆竄踞連鎮
勝大臣亦自曹縣移兵合勦四月初一日曾國藩飭水師楊岳斌彭
玉麟等敗賊於湘潭焚賊船七百餘隻湖南撫標參將塔齊布揮軍
入城殄城賊截殺淨盡立復湘潭縣城荊州將軍官文遣游擊王國
才參將佟攀梅等擊竄匪克之總督台灣收復德安府雲夢縣隨州

逆衆復至應山縣分隊追勦擊殺無數北路賊熱稍衰南路賊竄踞
監利縣官料軍派隊往攻四月二十八日克復縣城荊州賊匪敗竄
上游四月二十二日攻陷宜昌府宜昌鎮總兵訥欽署知府吳開陽
等連戰皆捷於五月初一日收復宜昌府城逆遂由太平口竄住洞
庭湖犯常德府連鎮逆竄入高唐州知州魏文翰罵賊被害賊聚湖
南華容縣攻撲石首縣官料軍派砲船於五月初二日駛住石首斃
賊無數克復石首縣城迨至華容縣城賊遁去提督和春潛督福濟
奉命援廬州未至而城陷五月十二日冒雨捍兵島其賊目城外
賊壘以平知府茅念劬於十六日攻廬州獲勝湘潭踞賊於五月十
三日陷龍陽縣由白沙市至常德府城陷府景星殉難六月初二日
武昌省城陷藩司岳興阿臬司曹懋堅稜道李卿殺難巡撫青麟與
魁玉楊昌泗南走長沙繞赴荊都棄城越境無以自解奉旨正法

川兵攻復潛江縣六月二十五日即遷知縣林天直會同沔陽州知州蕭蔭思克復沔陽州城六月二十八日道員褚汝航等率兵進勦賊宵遁七月初一日克復岳州城賊復大集登州鎮總兵陳輝龍運司銜道員褚汝航候補同知夏鑾廣東換標遊擊沙鎮邦等陷入重圍力竭降亡總督台湧奉旨褫職以楊需代髮逆竄陷安陸府安襄鄖道羅遵殿於五月二十日先復克復京山縣進攻安陸府七月十六日克復安陸府城前天門縣方卓然都勇克復天門縣城孝感之賊最悍知縣李殿華等攻擊二十六次始復縣城黃陂麻城二縣於二十三日二十六日等日收復賊竄黃州金陵首逆竄紆蕪湖逆黨乘船下駛潛圖東壩向大臣遣副將傅振邦福興等拒之於二十五日克復高瀆縣城曾侍郎於閏七月飭升用道李孟章率水師追勦從荆河順流而下東岸之旋湖港芭蕉湖道林矾鴨欄矾兩岸之

觀音洲白螺磯陽陵磯螺山夾州一帶賊累一律殲平遂駐螺山自此由荆入川由兵入湘之門戶始回英田差遣之魁王楊昌泗及保發叅將恒泰托勒罕帶鎮軍兵螺山會水陸各軍收復嘉魚蒲圻二縣向榮副將傅振邦叅將張國梁張騰蛟提督余萬清劉開泰等分四路禦賊四十八等日發逆各路分撲傅振邦張國梁直攻太平望殺賊四五千名會同太平府知府李三捷當塗縣知縣王乃晉乘勝抵城下槍斃偽國宗韋得玲偽檢點陳贊元偽將軍李長有偽總制吳春和遂於閏七月四日克復太平府城琦善以疾薨於軍奉旨以江甯將軍托明阿為欽差大臣督辦揚州軍務賊撲大營陳金綬鞠殿華等迎拒獲勝皖軍於七月二十二日克復英山縣旋復失守閏七月初七日楚南軍收復湖北通城縣荊州軍會楚南軍收復崇陽縣十一日復陷知縣吳振鏞守備黃鵬程等陣亡八月初

三日收復蘄水廣濟二縣羅田縣亦經知縣彭中芳等收復八月二十三日曾國藩督水陸大軍克復武昌漢陽兩城並楚軍收復黃州府湖南駱巡撫於前月奏調四川按察使胡林翼為湖北按察至至楚辦賊九月提督和春皖撫福濟收復廬江縣擒其偽監軍任大綱等十七名賊由興國枞大冶縣以拒武昌官軍羅澤南等馳抵興國追殺數十里遂克復興國州城塔齊布怒馬冲陣立斬逆首而回楊岳斌彭玉麟直抵蘄州燒船賊船九十餘隻十月揚州軍破賊於蒲口逆壘志平楊岳斌等進拔田家鎮賊遁九江追至武穴蘄州賊首陳玉成棄城竄往廣濟塔齊布等由田家鎮追之十一月塔齊布克復廣濟黃梅二縣楚北賊畧平不逞之徒成隊肆劫謂之捻子其聚處江南則淮徐海安徽則穎亳壽河南則汝南汝光山東則兗沂曹濟湖北則襄棗鍾隨以各省論皆屬邊界以大局論則居天下之中

警之鷄卵中黃獨堅類多慄悍與髮逆相終始初在淮河袁宗堂甲
三駐臨淮閻勦之派叅將劉玉豹四品頂戴舉人臧紆青等進勦在
籍知府葉法助戰敗賊於斛樹嶺白沙嶺初五日又破賊於呂亭驛
斬賊目吳鳳珠等十二名十一日廬江賊匪來援復敗於天靈莊十
七日各逆前後合圍臧紆青等衆寡不敵力竭俾七十一月初五日
九江逆匪竄入吳城江西巡撫陳啟邁派都司吳錫光擊退逆竄湖
口踞孔壠驛小池口與對岸九江逆匪勾連李孟羣率水師焚潯賊
江賊船塔齊布羅澤南李贖賓等由北岸攻孔壠破其土城賊無一
得脫小池口賊亦遁乘勝進規湖口與逆酋羅大綱大戰於梅家洲
焚燬小河木礮殆盡十二月初十日攻燬沙洲賊壘浮橋駛入鄱陽
湖兩岸之賊突出焚我八里江水營李孟羣等退營紮九江皖撫福
久攻廬州慮巢湖賊糧不絕派編修李鴻章帶吉林馬隊繞道含山

十二月初九二十四等日連捷十五日直抵城下兵勇攀登堯賊
二千人遂克復含山縣城糧師攻巢縣十二月二十五日九江城賊
襲我水師而犯陸營塔齊布退上游抗守總督楊需親率兵勇駐廣
濟縣值歲除軍中置酒高會賊大至營中火起楊總督隨將官李士
林突出重圍士林死之楊馳至漢口鎮率兵勇趨德安賊旋於次年
正月初七日至漢口遂進襄河十四日犯漢川復擾沔陽天門各州
縣

咸豐五年乙卯正月江蘇巡撫吉爾琿阿督率總兵虎嵩林參將富
安守備向奎等水陸進攻上海路逆初一日各兵奮勇登城生擒偽
元帥陳芝等首逆劉麗川率黨至虹橋虎嵩林等追斬之遂復上海
縣城湖北臬司胡林翼親領陸軍回援武漢賊踞漢陽府城於下游
南岸築砲臺胡臬司陸軍駐上游沌口等處李孟章水師紮黃鵠矶

曾侍郎承彭麟玉麟水師紮望山門鮎魚套出勦獲勝江西賊入汝
地饒州告陷曾侍郎親馳西省籌辦正月十九日僧王道西都統等
攻連鎮破之生擒逆魁林鳳祥檻送京凌遲處死僧王毅師高唐會
勦正月二十一日同知林天直擊賊於仙桃鎮副都統貴陞於二月
初三日擊賊於岳家先後陣亡二月高唐賊全股南竄僧王設伏合
勦遂收復高唐州賊竄馮官屯鎮江賊竄高資夾江而陣牽制官軍
余萬清虎嵩林勦賊獲勝遁入城逆眾踞漢陽漢口武昌首城兵力
雖單尚能自保巡撫陶思培抵任月餘率司道首府多山等嬰城固
守藩司胡林翼水陸屢戰逆鋒稍挫乃遽由與國通山取道青山至
唐角攻首城而胡翼林李孟羣援救不及三月初二日首城陷陶巡
撫多首府歸州營游擊陶德壽等陣亡胡布政奉命署巡撫即上
疏言荆襄據東南形勝江漢又荆襄咽喉漢陽既陷南北岸已形梗

塞武昌失守南岸又被蔓延惟急攻武漢一城復而兩城
內固荆襄而外遏上竄之路云云饒州賊三月初四日八
曾侍和即派羅澤南李續賓往勦二十日克復弋陽二十
興安賊遁去收復興安縣城聞廣信府已先一日失守二
抵城西烏石山繞趨城根督兵血戰即日克復廣信府城
歙縣休甯婺源各縣被賊踞後浙撫何桂清派金華府石
臣派鄧紹良周天受會勦先後克復一府三縣之賊鼠豕
帶江西賊由饒州分擾樂平德興弋陽陳廵撫啟邁派都
往勦三月二十八日我軍分東北兩路圍攻是日克復餘
王修築套堤引河水圍繞以困馮官屯之賊四月十五日
生擒首逆李開芳黃懿端謝金生等八名李開芳檻送京
均凌遲處死北單告歲節撤四月十三十五等日賊犯隨

軍扎拉芬迎擊五里墩受傷濫逝楊督需退守襄陽四月十三日
等日向大臣派吳全美李德麟等駕廣東紅單等船猛進燒賊木
哨樓上山踞平營卡三山江面一律肅清焚北賊匪四月二十九
棄隨州陷德安府豫省接境戒嚴奉 旨湖廣總督楊需革職留
差遣 詔荊州將軍官文為胡廣總督賊進逼武昌速馳駐紮坊
巡撫建議云武昌城固二十里門有九合圍則兵數不足攻一門
則賊可輪環抗拒而外搜糧道此自困之道不知先攻漢陽以重
扼漢口蔡店要隘則竄襄之路絕潛江隄以水師為腹背攻之則
陽狄而可破疎入 上嘉納之後奏功悉如所議四月二十一
五月十三等日曾侍郎派何啟長孫國昌賀虎臣蕭提三等率水
進攻燒賊船約四百餘隻江西內湖肅清浙江委員謝蘭生隨同
司安瑞書在徽州行營辦理文業克復休甯石埭縣徽郡肅清臬司

晏回浙以前江西巡撫張芾接辦防務謝蘭生仍留差遣因丁憂回籍總督官又遣知縣李保邦李光榮督襄圍兵勇擊賊於六月初九日知縣吳瑛收復雲夢縣初十日署知縣王培厚收復應城縣江南太平三次陷賊向榮飭張國樑等攻之遂將太平府城克復七月十八日湖南提督塔齊布卒於軍曾國藩馮涖羅澤南蔣益澧等攻義甯州拔之胡林翼於七月十二二十五等日攻克蔡店遂拔漢口鎮德安踞賊日益窮蹙向榮遣總兵吳全美德安明安秦鄧紹良等分道攻蕪湖縣復其城總督官文遣魁玉署藩司常恩等督砲船乘勝下勦於十四日克復漢川縣賊踞湖口同知李元度知縣李錕劉希洛等會水師進勦於十五日克復湖口縣城都昌縣亦於十五日收復八月焚軍金口大營失利胡林翼亦敗於李山賊勢復熾襲漢川縣陷之西大臣綿將軍奉旨革職提督孫廣順逮問九月二十五

日命官文為欽差大臣馳往德安督勦官大臣胡巡撫檄調甯紹道羅澤南馳援漢武九月初五日抵通城初六日破賊木城兵勇奪門而入斬馘三千餘遂克通城縣兼復崇陽縣提督和春巡撫福濟督鄭魁士高瑞及內應紳民工子顧等於十月初克復廬州府城初四日官大臣督同西凌阿等攻德安游擊馬天貴首先奪門而入截殺無算即日石達開於蒲圻十月十九日攻破賊克復德安府城既復官大臣西都統綿將軍迎擊石達開於蒲圻十月十九日攻破賊營遂克復蒲圻縣城逆復嘯聚咸甯十一月十一日乘霧進兵鼓勇登城一鼓下之城遂復楊提督載福更名岳斌自六溪口拔營派都司鮑超副都統都興阿等敗於金口沙口羅澤南道嘉魚會胡林翼攻武昌官文督李孟羣攻漢陽江蘇軍克上海後古巡撫駐鎮江與余萬清分營而立余扎營城東京峴山吉紫營小九華山是月為地

道犇去城垣十餘丈賊死押不入江西藩司玉衡會同鎮將先後克復安福分宜萬載新昌四縣湖南茶陵州殷匪於十一月初間犯江西瑞州知府劉希洛李銳陣亡十一日瑞州失守副將周鳳山敗賊於樟樹鎮新淦之賊聞風他竄初十日復其城官大臣胡巡撫分攻武昌漢陽均獲勝仗胡巡撫又督羅澤南李續賓敗援賊於梁子湖金牛鎮

武進謝蘭生晚季著

咸豐六年丙辰正月江南軍敗賊於含頭鎮皖軍克復舒城縣時江西瑞臨二府未復吉安府於正月二十五日失守候選道劉長佑在江西統兵由贛陵進攻萍鄉二月十一日克復萍鄉縣城賊踞吳城陷建昌曾侍郎遣都司黃虎臣進勦二月二十二日進至建昌縣賊遁收復其城三月初一日賊復竄陷揚州知府世焜恭將裨林巷戰死詔革托大臣陳金縷雷以識職以德興阿為欽差大臣火營翁同書幫辦軍務德大臣親督西昌阿等破賊薛永樓轉戰皆捷賊潰遁十三日收復揚州府市政使銜甯紹道羅澤南力攻武昌紮營洪山三月初二日進勦被賊匪槍傷左額中槍子入腦初八月因傷殞命季續甯統其揚州復後賊竄入江浦抄至浦口德大臣派總兵

穆克登額帶馬隊向大臣派總兵張國樑帶兵渡江援勦駐六合之龍池會六合縣溫紹源合力攻勦十八日克浦口二十三日復江浦寧安徽甯國府於三月二十八日失守逆氛復熾四月擊賊於新洲敗之江西撫州府被逆竄陷曾侍郎派李元度會知縣吳朗督帶團勇於三月二十日克復東鄉縣城知府鄧輔綸同知林源副將周鳳山於三月十二日克復進賢縣二十七日乘霧攻撫州記名道劉于清四月初十日督率師船攻豐城二十日燒南門外賊壘賊逃竄遂復置城江蘇巡撫吉爾杭阿擊金陵賊於高資與候補道劉存厚俱戰死三十日九華山大營潰張國樑余萬清李鴻勳等四而兜勦賊回走九華山張國樑擊破其營賊棄壘走張玉良亦擊敗於甘家港賊又分股於五月十二日竄陷溧水句容溧陽亦不日復出通濟門會紫荊山羣匪攻撲七橋竄向營官兵正併力截殺各營火起

兵勇潰散張國樑突圍而入保護向榮銜鋒而出收聚散卒由瀋化
鎮退保丹陽四月二十三日我軍克復英山縣曾侍郎遣水師彭玉
麟等於六月十四日攻克南康府城向榮進紮丹陽後提督國樑遣
叅將虎坤元游擊張玉良等攻五里牌副將秦如虎由定準截冲明
安太虎嵩林旁伏張國樑偕將軍福興整大隊攻撲賊巢奎和定橋
賊大潰風風罔之賊亦遁丹陽城外賊壘悉數蹋平 詔以提督銜
漳州鎮總兵張國樑幫辦大榮軍務叅將魯承堯同知吳坤修曾國
華知縣劉勝瑞等於七月圍攻瑞州府江湘路通迨勦咸甯浦圻崇
陽通城新昌上高等縣悉復其城曾侍郎撥兵合勦功我南城縣江
南向大臣榮燾於戎次卹典甚優 命江南提督和春為欽差大臣
赴丹陽接統向營軍務八月瑞麟熊天喜江忠信等攻捷三河賊逃
竄巢湖副將程智泉追賊陣亡官急軍攻瑞州上高新昌又為賊竄

踞吳坤修等進勦七月二十日克復二城遂於八月初八日行抵奉
新建城十三日收復靖安十六日收復安義江西邊錢會匪勾同粵
逆竄入南豐連陷新城瀘溪等縣圍攻廣信今江西巡撫沈寶楨會
總兵饒廷選赴援林夫人在危城躬汲爨具壹漿以饗士卒八月十
二日開城擊賊逆匪潰遁郡境肅清總兵傅振邦克復東壩後於八
月二十三日直抵高瀆遣參將李廷泰帶練勇燒賊船數十遂克復
高瀆進攻深水張提督克寶垣進攻黃茅莊拔之移營句容偽北王
韋昌輝殺偽東王楊秀清昌輝復為偽天王洪秀全所殺偽翼王石
達開竄安慶同知李元度林源恩統江楚軍於九月初二日督舉人
陳大力哨官彭厚坤等先攻宜黃城破之直趨崇仁厚坤等梯緣登
城賊竄臨江皖撫福濟總兵鄭魁士派選用府李元華督勇會前無
為州林蘭於九月初二日進攻無為州城拔之皖撫福編修李鴻章

督營官攻巢縣西北南三門鄭魁士受傷力戰遂於九月二十九日克復巢縣廬州諸邑肅清劉子溫於十月二十一日再克新淦縣逆之陷武昌也自漢陽始克漢陽則武昌自復以是官大臣親督重兵圍陽漢陽水師黃成楊秩督南岸專騎胡巡撫水陸合攻李孟羣王國才楊昌泗西南北三路攻城已揚阿平海馬隊繼之顏朝斌孔廣順訥欽又繼之水營鄧清自襄河駛出環城轟擊十一月二十二日大捷是日胡巡撫楊提督攻武昌首城上下夾擊陸軍拳援登城逆不能守武漢二城同日克復官文胡林翼入城安撫告竣後咨河南巡撫英桂會勦鄧州新野餘匪袁州之逆糾合股匪悉屯合山劉長佑等飛調蕭啟江田興恕前來助戰十月十六日三路進攻合山焚燒賊壘二十四日劉長佑派隊攻克分宜縣城十一月初一日劉培元會諸軍攻袁州賊盡奔竄大軍入城袁州既拔吉安府黃冕胡

北布政使夏廷樾羅定楊周鳳山籌勦吉安駭巡撫遣同知曾國荃
帶相勇先登會攻安福以趨吉安劉之能楊光福至城下接仗擊斃
賊日多名即克復安福縣城官大臣胡巡撫派都將軍李續賓何紹
彩等分三路圍攻黃州府先於二月十四日克復武昌二十五日克
復黃州府楊提督統師船直抵武穴南岸李續賓進取興國大冶北
岸都將軍樛蘄水蘄州各軍雷掣星馳逐節掃蕩遂於二十六七八
等日克復二州二縣城池江西武甯縣於十一月初七日失守知縣
冒溶等退紮豐溪會義武營於十一日克復自蘄黃復後逆匪竄廣
濟黃梅都將軍會孔廣順等於十二月初三日克復廣濟初九日率
多陸陸王國才石清吉等克復黃梅湖南候補道王鑫平通城宋陽
蒲圻通山四縣餘匪悉平李續賓副長佑李能通等於十二月初三
初六初八十三等日克復江建昌瑞昌德安新翁永甯五縣

咸豐七年丁巳正月同知吳坤修與在籍辦團御史帥方蔚籌攻奉
新縣復之二月曾侍郎丁憂解任楊提督載福等分領其軍暫交
其弟國華管帶 詔以提督銜鄖陽鎮總兵楊載福就近統領惠嘉
道彭玉麟協同調度二月賊圍江南壽州盧鳳道金光勦擊走之奉
旨加按察使銜後以勦正陽關擒匪身受重傷舟覆而亡浙撫晏
端書飭總兵周天受會同游擊王夢齡於二月二十七日攻婺源縣
已革恭將師長鏢陣亡婺源縣城復壽春鎮總兵鄭魁士潰於桐城
文武大吏俱獲譴三月官大臣檄臬司李孟羣督兵援皖四月孟羣
至皖飭都司盧文熊叅將趙鴻舉攻英山斬馬騎馬賊目四名生擒
三百餘名餘賊潰遁縣城立後九江為吳楚關鍵必攻克九江而後
江西之門戶以保江南之全局可圖五月潛長濠以困賊三月至五
月連戰大捷五月十四日總兵傅振邦周天培虎神元等率眾攻陳

水縣拔其城閏五月二十一日張提督傳總兵圍攻句容二十四日
銜枚急進越濠監立雲張提督首先登城二十五日夜句容縣城克
復李績買時濬長濠力攻九江水師砲船復沿江攻擊六月晚逆傾
巢援斬黃李績竄遣其弟縉宜由瑞州回援逆踞內湖童司牌鮑超
等擊敗於億生寺安義鎮王國才為火藥傷陣亡逆踞瑞州楊載福
彭玉麟遣水師會陸路夾攻我軍血戰倖斬極多府城遂復小池口
與潯城隔江對峙江皖入楚咽喉胡林翼楊載福督兵合勦拔小池
口偽城八月初四十五等日水陸環濶火箭射入城賊蓬火起四門
門官軍乘亂亟登將小池口之賊滅盡一律肅清東鄉為撫州保障
總兵李定泰於八月二十八日由五里牌進擊縱火絕賊竄路賊懼
棄城走逆踞石鍾山守湖口兩岸致外江內湖之水師間阻李臬司
於九月初九日克復湖口縣破梅家洲偽城燬石鍾山賊巢外江內

湖水師乃得合併彭澤南小孤山逆匪修築石城恃此以守彭澤為
九江聲援石逆建開踞景德鎮遣逆目賴漢英等抗守五年之久楊
提督李果司率馬步合攻遂於九月二十二日克復縣城盡掃小孤
山賊巢乃兵分兵守彭澤湖口要隘十月賊擾貴溪境李元度擊退
竄祁門境晏撫臺派馬懷珍周天受江長貴等殺逆安慶首逆偽成
天豫陳玉成派偽丞相曾逆帶船數百泊馬當峽華陽鎮楊提督率
兵攻敗之九月二十二日焚華陽鎮二十三日派李成謀克復望江
縣二十四日乘勝復東流縣二十五日未刻破樅陽二十六日破大
通鎮二十八日復銅陵縣不出旬日克復三城十一月十二日揚州
軍克復瓜州同日張提督會總兵虎嵩林劉李三余萬清李若珠等
四門攻打鎮江城賊潰竄樞而入悉誅羣逆是日亥刻克復邵城逆
首吳如孝逸出外在盱眙為張得勝陣斬潛山太湖逆又陷霍山縣

旋退。出副將普承堯等合兵攻臨江府。十二月初八日拔之。

置八年戊午正月安徽英山縣收復。二月初二日江南軍派李若珠、劉季三等於十四日克復秣陵。閏三月和春率張國樑、戴文英、周天培、李若珠等圍攻金陵。擊賊七橋、甕雨花臺。斃賊二千餘。逆黨閉不敢出。賊入浙江界。連陷江山、常山、開化諸邑。上以福興、遷貽咎。

飭浙江巡撫晏撥兵會勦。三月十一日賊陷湖北麻城。縣我軍克彭澤。海口得以專力。九江大東門外高岡危峙。虬蟠虹帶。可潛開地道。三月二十五、二十九兩日地道轟成。轟東門十餘丈。楊提督衝鋒掩殺。斃賊萬餘。獲賊渠林啟榮、李興隆、寸磔梟示。布政彭臬司李統水陸四門進攻。初七日地雷發塌其東南城百餘丈。兵勇踴躍登城。將城賊殲除盡。淨逆目陳玉成勾結張蔭荊、龔瞻子竄麻城。胡巡撫派鮑超、何忠駿進攻。張文煥設伏。首先馳入賊營中。砲陣亡逆匪田。

英霍諸逆繞光山商城入黃安陷之江皖逆匪竄入閩界陷政和邵武遂踞浦城分撲建甯府署知府劉翊宸啓驛障固守城賴保全總虞端督飭知府陳維漢政和署廷建道趙印川參將顧飛雄救邵武五月楚軍克復黃安麻城縣湖南即選道蕭啟江知府劉坤一進取撫州於正月二十九三月初六日先復收復江西新淦宗二縣四月二十日攻克撫州府城張運蘭王開成由永豐規取建昌二月十五日克復樂安縣三月初四日收復宜黃縣初六日攻破磁寇賊巢收復南豐縣遂於四月二十四日收復建昌府城其失守之守今先復後收復新城等縣曾國荃等會攻吉安遂旁克吉水萬安二縣江西陷城收復八九矣遂由鉄失關竄陷邵武等郡縣按察使保泰駐建甯參將顧飛熊擊敗浦城賊匪會同副將賈開泰都司武明良等於四月十一日克復光澤縣進攻邵武賊陷來安縣和大邑派總兵

成明博奇等進勦立復縣城李定泰自遂安馳抵湯溪進逼七里亭
克復壽昌縣城周天受督攻武義縣六月初八日克復縣城副將陳
閔選亦於是日午亥克復永康縣李定泰派知縣丁暖攻常山副將
陶茂森攻江山李元度由屏鳳調進兵初五日克復常山初六日克
復江山開化亦經秦如虎攻克初九日克復縉雲縣周天培督攻宣
平縣初十日克之溫處道俞樹風會同周天受等於六月十六日克
復處州府城七月皖逆復竄廬州總兵蕭開甲知府武成死之六月
六月二十九日福建軍克復松溪縣袁良與政和縣楊國榮七月初
一日克復政和知府雷瑞光督同代理知縣劉潤田於七月初六日
克復甯化縣浙江亦於是月初七日收復龍泉縣全省一律肅清浙
撫晏咨商著周天受周天培馬永恩等自龍泉出師進勦於七月二
十二日克復浦城縣福建遊擊王興業亦於二十九日由西渡橋進

攻崇安縣克之建甯一帶肅清逆踞吉安府死守八月初四日曾國荃會同道員趙煥聯參將邁克登布等水陸環攻兵勇蕩城而登生擒逆首李雅鳳吳人法解省正法吉安府城收復江境肅清八月十五日都李飭副將朱希唐李續燾謝永福攻克安徽太湖縣道員張運蘭知府王文瑞等攻克江西安仁縣周天受等進攻建陽縣已革知府匡開督勇先登官軍繼進立將縣城克復邵武府城於八月十六日克復閩境疊陷郡縣十城總督慶瑞出省督勦至是肅清八月二十一日楚軍克復潛山縣二十五日攻取懷甯之石牌鎮九月逆首陳玉成會九洑州越江浦撲浦口德大臣大營總兵鞠殿華迎勦八月二十日大營陷升生府南汝同知孔繼鏗河南知府宣維和副將陳昇等陣亡連陷江浦天長儀徵等縣分攻六合奔揚州於九月初三日由南門入攻破揚州城李續燾於九月初七日克復桐城李

布政整隊進舒城副將李存漢趙克彰圍之逆眾悉棄舒城走入三
河偽城鮑超等追之棄壘而遁逆踞揚州提督國樑領大軍渡江派
游擊馮觀勝黃靖截殺江北軍鞠殿華成明富明阿相繼至即於九
月十五日克復揚州府城即攻儀徵縣十六日後之六合彈丸噶存
六年之久逆以全力圍功德大臣駐邵伯不能顧紹源以血書告勝
大臣乞援不為應張提督於十五日復揚州後亟引兵馳救六合十
七日至陳板橋賊知張國樑至十八日穴地道轟城塌十餘丈附而
上紹源携妻王氏次子知縣溫輔材長媳陳氏投水以殉從事者多
不屈死代職者李守誠宜黃舉人選授六合縣知縣城陷自縊於堂
上總兵羅玉斌知縣馮明本典史葉林奎都司王家幹夏定邦等守
備余承恩城守千總海從龍等巷戰死九月二十四日皖軍擊敗天
長縣竄匪進克縣城李昭壽投誠今改名世忠以叅將即補九月溧

水縣復陷知縣周觀銘陣亡和入臣派張玉良進攻十月初七日克復縣城逆眾立為城於三河憑河抗險固守李布政績賓督戰屢捷我軍參將蕭意文都司胡在位陳玉成忠逆李秀成侍逆李世賢由和州六合廬州分道合援屢出挑戰又委參將彭友勝遊擊胡廷槐饒萬順福等十月初九日李布政親自督戰遊擊鄒玉堂杜廷光守備趙國棟歿於陣七營均陷初十日清晨督眾血戰李布政績賓力竭陣亡即補道孫守信同知曾國華重同丁銳義何忠駿同知直隸州董容方知縣王揆一李績藝等皆從死江西入閩逆擾將樂陷浦城永吉建陽順昌四縣曾侍郎入閩勦賊駐建昌檄周天培督兵赴援所向克捷張運蘭一軍肅清將樂一帶賊竄回江西遂以此次收復浦城順昌諸城甯化長汀旅亦收復三品京堂張芾奉旨督辦皖南軍務派周大受王夢麟督軍進勦十一月初三十六等

日盍獲勝仗十二江西逆匪竄信豐陷南安府城派勁旅馳抵景德鎮會勦信豐縣城旋即收復

咸豐九年己未正月江浦逆首薛三元遣心腹羅華清等謁總統願獻城和大臣遣李世忠受降獻出江浦縣城於五月二十七日攻浦口陣斬偽天福等逆渠數名遂復浦口逆於索康新城墟築偽城首逆踞池江曾侍郎派蕭啟江設伏誘賊出巢與知縣周慶榕擊賊之燬其巢賊遁竄南安參將李奉檄擊高旺之賊逃匿撲浦口陷之世忠回勦再復其城浦口肅清閩省連城之逆尚負隅不闕督密飭道員潘駿章設法散其羽翼調集總兵豫祺副將王捷元參將袁良等督軍於正月初十日一鼓下之逆竄陷龍巖州派革道英樸都司賴正修於二十三日攻克州城復之逆踞宣城之灣沚黃池和大臣飭提督鄧紹良進攻陣鄭魁士朝棟繼至分路進攻二十四日收復灣

汪未承先攻黃池平其壘總兵長江貴攻婺源縣於二月初一日斬
關直入立復縣城皖北各路悍賊潰匪合踞烏衣鎮汜河口圍奪江
浦浦口二城張總統率李若珠薛成良於二月初九日前後夾擊擒
偽同天福洪方偽豫天莫興等二十餘名周天培賴鎮海會大軍接
戰敗遁道首蕭啟江獲謀知南安有機可乘率管帶田勇周慶榕由
青隴黃隴至三角嶺見城中火起鼓勇登城遂於二月初三日克復
南安府城時信昱告急初七日會習國荃逸克登布進攻信昱圍解
二月二十五日晚逆撲廬州大營副將鄧清知縣李孟荅兩營失陷
賊擁入中營李布政孟羣持矛屹立手及悍賊二名力竭死布政為
殉殺子前後殉難三月逆首陳玉成率股匪竄入斗嶺勝大臣擊敗
之梟逆石達開與洪逆秀泉絕踞險自雄由江西竄入湖南劉培
元彭定泰為賊首以大桂桂陽州城為與甯宜章相繼失守左京堂

宗堂胡巡撫都將軍等檄調水陸兵會長沙時逆已擾及新田嘉禾
矣賊踞六安州知州茅念劬守備趙春和晝夜攻擊三月十九日與
已革副將盧又熊等登城逆奔舒城霍山逆匪撲榔桂窺衡州署衡
州府僑將應令劉達善魏喻義帶勇迎勦賊由甯遠竄永州余星元
等分路撲榔桂賊巢均捷劉長佑獨勦永州遂解圍勝大臣於四月
二十三日受擒首張元龍降鳳陽府縣及臨淮關三城同日收復茅
念劬等追殺至霍山知縣王自禧帶勇登城賊逃竄立復縣城五月
十五日張總統進勦九伏洲逆壘蹋平盱眙濱海臨洪澤湖被逆衆
闖入勝大臣派烏勒與阿副都統富勒德恩布等分攻六月初六日
復其城曾國荃與張運蘭等水陸進攻江西浮梁縣六月十五日收
復縣城逆首陳玉成攻來安李世忠著正品冲入賊營乘虛襲城賊
走滁川乘勝分路進勦逆又潰走六月十八日定遠縣陷知縣周佩

濂巷戰傷斃前在揚道郭沛霖死之逆首石達開圍衡州不獲攻寶慶府連營百里官大臣胡巡撫派田興恕李續宜劉長佑劉培元等水陸進勦石逆聞大兵至分賊四面撲營劉嶽昭余星元等率游兵突東南牽賊勢大軍搗匡家嶺逆勦從山背襲擊之賊大潰斬統賊無數石逆氣奪七月陳玉成率死黨攻來安犯滁州李世忠擊敗之德大臣被衆江北軍務改歸和統轄派李若珠攻六合張玉良攻天長吳全美攻魯港鴉山李德麟攻大通荻港均獲勝七月十二日諸營分路進勦與石逆大戰於賀家均全國琛田興恕趙煥聯江忠義劉長佑魏翰義等各有斬擒石逆偽官名目如統戎佐旂提番通傳等偽官皆前所未有江西信豐賊竄廣東惠韶等經廣東督黃宗漢飭革臬張敬修知府海廷琛等勦平之八月二十八日髮逆糾合捻匪沿淮肆擾撲清壩高家凹營盤鎮江逸出悍賊吳如孝被營官

張得勝千槍擊斃賊向南潰走楚軍攻石牌鎮拔之老賊多籍廣西
總令翼疏石達開歸竄遂由新甯城步山僻小路直犯桂林巡撫曹
澍鐘督率文武回守官大臣駱巡撫遣副長佑蕭啟江二道臺統湘
營部曲由新甯赴省援救前廣西布政使將益澧叅將蕭榮芳自柳
州趨至會兵水陸擊九月和十日逆衆潰散省城解圍二十日竄
陷慶遠府十月勝大臣遣副都統穆麟阿知府秦榮遊擊黃開榜等
馬步砲船進攻懷遠縣城復之周總統天受派副將石玉龍遊擊申
明照擊退涇縣逆黨十月初七日逆大隊至南山嶺玉龍明照血戰
陣亡和大臣周提督天培扼浦口賊糾死黨圍之戰失利周督提督
天培力竭捐軀大軍退江浦十一月十一十四十五十六二十三等
日張總統國樑破江浦賊壘揚州邊界肅清副將吳再升等進勦黃
池南岸蹋平逆壘北岸逆匪潰走渡河池州賊韋志俊堅志投誠彭

王麟赴池州受降令獻城贖罪遂收復池州府城部下古隆賢甘心從逆糾眾回撲城復陷石逆欲圖巴蜀胡巡撫請以曾侍郎率兵入川奉旨先行時川中已有準備會奏暫緩入川而會籌勦皖先是多隆阿鮑超攻太湖道員蔣凝學應唐訓方扼安慶石牌為援應叅將余際昌攻英山保蘄黃胡巡撫由黃州親往策應十二月湖南請建表忠祠永忠書院凡陣亡子孫准入院肄業

武進謝蘭生晚季著

咸豐十年庚申正月張總統國樑率張玉良陶茂森等水陸大舉攻克沿江逆壘九洲老巢楚阜由天堂圍攻太湖多隆阿鮑超分兵督戰十一日賊分路撲營布政使銜道臺金國琛紮兵仰天庵待賊登山或橫攻腹背或攔截首尾賊衆潰敗余際昌等破其壘援賊全敗城賊宵遁二十六日克復太湖縣賊竄入潛山多都統等追擊大潰二十八日克復潛山縣翼逆石達開擁衆取黔道入蜀四川將軍有鳳權總督咨調蕭啟江一軍前往曾侍郎檄令由常德取道入川先勦川省敘州土匪勝保奉旨飭赴河南督勦皖省軍務特派袁甲三為欽差大臣袁督兵克復臨淮關鳳陽府城逆首鄧正明等皆來乞降正月二十三日克復鳳陽府城擒首張元龍陽降陰叛

首鼠兩端袁大臣飭張得勝誘出擒縛凌遲處死並獲張先等十四人正法二十六日克復鳳陽縣城二十六日總兵鮑雲青慶瑞等鑑橋賊壘進窺規定遠前南韶道吳坤修總兵普承堯等二十三日攻克廷德縣是月二十二二十六兩日涇縣旌德縣相繼失守張希調江長貴一軍援勦賊竄廣德界二月初三日張總統會劉李二熊天喜等攻克上關之壽德關州下關之七里洲殲平賊巢數十逆陷涇縣後二月初三日唐德州失守和兼辦浙江軍務張玉良總統援浙諸軍粵匪之將紀蘇杭也預結捻匪擾清淮以分兵力河督庚長撥兵出防順清河二月初一日捻匪由吳家墩至河督退保淮城清江浦失守運司銜淮海道吳葆晉陣亡宿南通判沈鴻被害喬松年署江甯藩司總辦糧臺提督傅振邦總兵田在田會同庚長勦殺賊驚潰遂於二月十日克復清江二月十七日李世忠會同知州李元忠督

攻全椒城密約投誠賊目唐得華為內應見城中火起奪門而進立
復縣城二月二十七日賊因廣德州竄安吉道武康直撲杭州省城
城清波門暗掘地道轟塌城垣三十餘丈賊衆一擁而入衆寡不敵
省城失守臬司段光清杭協王邦慶先期擁兵退走紹興巡撫羅遵
殿署藩司糧道王友端署運司繆梓嘉湖葉堃甯紹道仲孫懋辦才
釐局二品封前署金衢道周縉候補道許煥銘岳程葆署杭州知府
馬昂霄理事同知鳳聲仁知縣李福謙巡城委員計用知府盛應候
補同知漢軍蔣斯彥徐樹楠李培基陳樹林陶定球候補知縣楊炳
椿劉潤趙翼健陳元謙訥斌朱旭照趙景銘布理閻汪善批驗大使
秦繼昌鹽經歷金作霖杭府經歷劉萬選江張務倪景所縣丞鄧楫
錢塘典史林汝霖巡檢丁昌毅從九顧以勳等皆殉難杭州紳士前
兵部侍郎戴熙投池殉節前湖南衡水道俞焜罵賊見殺主士沈璜

四品銜朱芑孫仁和訓導吳麟書鏡塘教諭高喬崇署蕭山縣訓導
樊梅生候選光祿寺署正教諭胡琨諸暨訓導洪樹椿候選光祿寺
署正翟傳龍等皆被害杭州將軍瑞昌與副都統來存堅守滿城鏖
戰六晝夜援軍解圍三月初三日張掛督玉良統浙軍馳援抵大關
密約瑞將軍接應張玉良聞城中砲聲大震知瑞已出勦遂統親兵
破艮山門而入將軍都統亦自滿城出隊殺退悍賊開武林門納師
追勦獅虎橋城隍山通皆竄出遂於是日戌刻克復省城初四日追
賊於萬松嶺橫山等處敗匪由餘杭而遁皖軍江長貴劉兆璜等於
三月十二日攻續溪縣各逆棄城逃竄浙江臨安孝豐二縣初八十
四等日克復和太臣派總兵熊天喜曹秉忠等分水陸兩路規復長
興該縣徐之鑑領民團助官軍夾攻於三月十五日克復長興縣閭
三月初二日熊天喜攻廣德州是月二十八日克復州城金壇解已

華紀兵米興朝知州邵啟元攻建平初二日克復縣城金陵之賊
閏三月初七日起分撲大營先窺句容縣提督張國樑勢漸不支
十四日大雷雨各營火起盤盡焚乃於十五日與和春等退守丹陽
皖軍記名道蕭翰慶知府蘇式敬於閏三月十三日克復太平縣江
長貴等同日克復旌德蕭道會投誠義勇韋志浚攻石埭於十五日
克復縣城江長貴吳再升知府顏培元知縣劉西園等於閏三月二
十三日攻涇縣復其城張國樑退丹陽後溧陽宜興同時失守逆衆
進圍丹陽步步結營今點賊潛入營中侯伺提督出戰自後狙擊之
受到甚重國樑揮兵血戰手及數賊躍馬入丹陽河而死丹陽遂
陷和春退至泚墅關仰藥自盡文巡捕馮慶祥隨殉湖北提督王浚
壽春鎮總兵熊天喜迎戰力竭陣亡羣逆圍攻常州總督何桂清平
兵退避江蘇巡撫徐有壬不納往常熟常州府城遂於四月初六日

失守常州府通判兵昌陽湖縣典史孫錕祺守城殉節常州知府某
武陽兩縣某並文武各官皆夫避郡紳士奉命在籍團練侍續趙
振祚出東門邏集潰勇遇賊見殺四品封道光庚子舉人趙于岡起
一門同殉五品封候選訓導呂成慈礪山教諭呂成慈戶部中郎中
周贊襄兵部主事張文金浙江知縣劉儼方銓趙祿保巢亮米廣東
知縣李光熙道銜曹禾浙江藩經歷李方泰鹽大使莊敏議敘鹽知
謝紹倫候選從九謝洪舒知事銜謝昌毅議敘從九謝用霖道光丙
午舉人謝錫申副貢蔣錫榮貢生蔣續樹澍廩生趙曾寅程光宇呂
耀箕黃志述增廣生謝勤馮景琦附生管統勳卜贊襄薛慶澤謝秉
壘沈因培監生劉兆亨莊汝昌湯世鈺謝士奇莊廼同皆殉難武陽
兩縣二百餘圖殉難者十萬餘人蘇州藩籬盡撤張玉良守高橋逆
令股間道繞出九龍山壓高橋背玉良兵潰退入省城逆衆追踪至

敗卒應之江蘇省城遂於四月十三日失守巡撫徐有壬遇害妾抱
氏次子郎中徐震弟徐曾庚候選理問鮑鄒銜蒙丁楊安等皆從死
署按察使糧道朱鈞投井殉節蘇府教授張鏡溥死之署藩司蔡映
斗長元吳三縣李瀚文馮樹勳沈偉田均於城陷時逃出秦 首逮
問蘇州府吳雲巡撫委赴上海借兵得免四月十九日常熟知縣周
沐潤督練克復江陰縣首城陷後逆衆陷吳江由王江涇水陸並進
攻嘉興四月二十六日嘉興府城失守該守張玉藻解銀至紹興巡
撫王有齡叅奏仍以其越境規避被議首石達開踞慶遠巡撫劉長
佑派降補道蔣益澧擊賊於晝眉嶺督叅將陳友勝抄截汝田平樂
昭平思恩河池以次畧盡四月十九日會慶遠府逆衆迎開南門遁
去即於是日克復府城石達德等入泗城縣凌雲縣余華銜等練團
堵勦賊竄思恩府知府徐引擊却之賊退入貴州界連陷廣順永甯

州巡撫劉源灝檄鎮遠總兵趙德昌馳援曾侍郎加尚書銜署兩江
總鈞督督辦江南軍務是月以蘇常淪陷總督何桂清褫職逮問
命新任薛巡撫煥暫權督篆楚軍浙道員蕭翰慶於四月二十四日
抵湖州之同心橋遇大股賊匪力戰陣亡都司李斌彪亦被戕五月
五日江蘇軍克復嘉興縣太倉州亦於是日克復貴州軍克復永甯
州五月十二日陷歸化廳廳記名道周夔參將全興陣亡湖州舉人
道員趙景賢於五月二十二日督團勇克復平望薛巡撫煥飭候補
道張景渠直隸州同應寶時於二十七日直搗松江府南門斃賊無
算當將松江府城克復髮逆踞廣西賀縣劉嶽昭會將益澧合兵進
勦賊敗竄進復賀縣城池六月十一日江督曾國藩渡江進紮祁門
縣奉旨補授兩江總督欽差大臣督辦江南軍務張芾駐徽日久
無有成效奉召入都皖南軍務亦歸曾大督臣督辦六月二十二

日劉季三等攻餘杭克之賊竄臨安二十九日環攻縣城復之皖南
逆竄臨廣德州江長貴米興朝退保四安鎮七月金壇縣圍急周天
年艾得勝同知縣李准堅守馳書乞援已將軍沐總兵馮子才等前
解圍為丹陽逆黨中阻不能進迨向奎馳至城已於七月十六日攻
陷泰將周天孚艾得勝均殉難逆黨自松江窺伺上海於七月初四
日合圍攻撲薛巡撫梁督松太道吳煦擊敗之賊初八日遁去皖南
道李元度甫奉調補馳入城而進已至八月十九日出城迎擊二十
四日逆大隊逼城下二十五日賊伏民房乘炮子入城不能守城遂
陷石達開攻圍營林州及北流博白縣王建材陸川縣覃遠璉馳援
圍解都將軍興阿奉 旨督辦江北軍務提督周天受皖南道福咸
守甯國府七十餘日糧盡援絕城陷周天受福咸巷戰死其弟天培
天孚先後皆殉節時人哀之逆眾又窺伺嚴州副將周萬遠知府松

海寧圍去府城陷副將封九貴被圍力戰陣亡江陰居大江尾圍狼
山對岸逆踞之以窺江北署通州知州張富年率靖江縣齊在銘都
司龔致福等於九月初四日攻木門斬關直入城盡逆黨立復縣城
浙江餘匪攻陷富陽縣瑞將軍遣兵馳勅立復縣城復糾臨海安黨
攻陷餘杭進撲省城戰敗於觀音橋官軍追至餘杭逆黨潰走城悉
復曾大臣飭張運蘭鮑超會攻休甯縣初四日斬偽將軍江懷忠於
陣偽侍王李世賢偽忠王李秀成各解火藥漆賊來援由羊樓嶺竄
入點縣張運蘭鮑超等遣副將宋國永迎勅追點縣立將縣城克復
逆踞嚴州府張玉良揮兵進勦已革衢州總兵李定泰首先登城完
賊千餘遂於十月初八日克復府城嚴府屬之壽昌縣經署金華府
程兆綸克復石連關分窺湖南陷棲甯縣城步綏甯縣吳熊及子吳
鏡典史馬星恒署步城縣安和皆殉難十月十六日陷東安縣知縣

趙崇祺長子燕堂募友胡琅筮更目周炳敷訓導蕭國煦皆殉難
官江忠義知州張士寬同知何鍾秀等分路攻勦二縣之賊均於十
月初八日克復城池石達開由間道襲長寨聽陷之同知劉宗元馬
賊被戕左京堂一軍移駐景德鎮聞賊竄陷江西德興縣左京堂派
即選道王開化督勦賊於楓樹嶺十一月初一日收復德興縣城
安徽婺源後陽初三日我軍趨婺源攻克西北兩門遂由東南道婺源
源亦復池州遂眾犯建德官軍出戰小挫十一月初四日城陷曾大
臣派副將唐義訓進攻賊潰出東門逃逸收復建德縣城賊撲湖口
竄入都昌縣即調兵赴援十五日駛入都昌擊退踞賊賊收城復縣
城賊竄浮梁縣左京堂督兵截擊十三四等日擒斬多名賊聞風遁
饒州府之賊不能踞亦遁去賊竄廣東平遠縣總督勞崇光巡撫耆
齡派兵圍勦十二月初四日破城外賊棚砲臺賊不能支出東門竄

去歲復年連縣賊匪竄陷浙江江山常山二縣總兵曾玉明派林文
察督勦二十五攻破西山賊壘當將江山收復提督張玉良已革總
兵李定泰統水陸進規常山三十日擊沉賊船二隻炮船一隻乘勢
薄城遂復常山閩省惟武平尚被賊踞十二月初三日賊由江西界
突入汀州府陷之

咸豐十一年辛酉五月初七日浙軍克復富陽縣賊犯景德鎮左京
堂鮑超兩軍敗之於石門洋塘鮑超追至彭澤縣下隅坂抵建德適
水師總兵陳大富至遂合兵收復建德縣城偽英王陳玉成即四服
狗糾合捻匪龔瞎子撲湖北羅田之松子關捻首龔瞎子騎馬衝陣
為我軍擊斃英逆陳玉成於二月初七日入蘄水縣假官軍旗幟趨
襲黃州府陷之十四日分陷蘄州蕪麻城黃州之逆上犯武昌闖入
黃安黃陂孝感雲夢等縣並德安府隨州省城僅存標兵二千官大

臣督同道唐訓方文輝厲雲官威康恩祥等登陣固守飛咨李巡撫
回援副都統舒保惠潮道彭玉麟水陸軍至扼守外江賊不能犯二
月初八日派副將朱品隆唐義方會張運蘭攻上溪口初九日直抵
休甯城下十一日會合環攻踞逆乘夜遁去收復縣城二月二十三
日朱品隆江長貴等敗賊於樺根嶺木柵楓樹大洪各嶺二月蘇州
踞逆出擾守備方聚興青浦練紳擊敗之追至嘉尺城沈維仁接戰
陣亡賊設偽局三月一日官大臣派道員金國琛彭玉麟水陸進攻
初九日克復孝感縣王元昌等馳勅雲夢應城二縣旋即收復黃其
黃坡黃安二縣亦經各縣整團殺賊收復地池麻地危亦解三月初
八日各逆乘浙軍已退復竄陷海鹽分撲平湖及乍浦鎮駐防副都
都統錫齡阿戰死平湖縣復於初九日失守浙西各賊復竄入金華
齊連陷龍游湯溪等縣江西逆匪由樂安竄陷新淦縣知縣李輔於

三月初二日攻復縣城賊趨吉安參將李金陽先退府城遂於初十日失守知守曾詠廬陵縣丁日昌募敢死士執賊裝入藥局密施引線火藥轟發賊驚惶竄出即日收復府城侍偽侍王李世賢由婺源竄白汝闕至新開化界華準三月二十五日連陷常山江山二縣民圍殺於三里灘大溪灘二城立復賊乃集華準遺黨由開化陷遂安縣入瀟安之港口副將俞永椿柘桐闕不能過遂分路竄陷壽昌蘭溪武義三縣三月十三等侍王李世賢率悍賊進逼江西樂平左京堂擊賊之賊遁去三月二十四五等日擊賊逆首黃文金即黃老虎於江西天林莊四月初二日拔營過河攻之英逸陳玉成棄壘遁至集賢關安慶城賊率黨出城接應賊自上年陷河州府築壘棚圍久踞圍督慶端泳福甯鎮總兵曾玉明記名道張啟暄督兵進攻四月初九日敗賊於長坑十里鋪進搗郡城十四日乘勝合圍遂出西門

逃竄遂復汀州府城嘉興逆首偽狼天義偽印天福率黨撲江蘇界
章練塘窺涿涇鎮提督曾秉忠派守備林隆祥等焚燬西塘匯賊壘
五月楚軍圍安慶掃平兩岸賊壘是月逆匪連陷浙江處屬之遂昌
松陽二縣復竄處郡知府李希郊馳往堰頭堵勦陣亡五月十六日
府城陷著溫處道志勳署總兵特保督同前署瑞安縣錢國珍帶兵
進攻處州十七日賊撲厦河十八日該道鎮飭麗水縣姚復禪帶兵
勇攻南門逆開北門遁去府城立復武義賊由宣平竄入永康十八
日城陷三十日復陷義烏縣逆自陽長與路烏鎮連市擾龍灣圍犯
夾浦五月初九日都司江振聲等水陸並進直薄小東門一鼓登城
克復長興縣五月十九日賊竄陷縉雲知縣馮格即於次日收復縣
城遂昌松陽二縣亦於五月二十一日收復賊由遂昌竄宣平知縣
何仁杰會黃載清擊敗之賊向武義遁去會曾大臣由祁門移營

東流遂由方千嶺棹嶺衝入黟縣臨之初九日江長貴張運蘭唐義訓副將婁慶雲等攻克黟縣嶺外援賊初九日合軍進勦賊遁出嶺外初十日跟蹤進勦徽州府踞逆望風分竄遂督隊收復府城駐軍防堵左京棠進侍逆季世賢至廣信逆百劉方官方再陷建德竄入鄱陽左京堂折回景德鎮賊遁追勦於桐樹嶺克復建德縣城逆首偽忠王李秀成大股犯楚境連陷武昌等七州縣官大臣會商安徽李巡撫水陸進勦將教學彭玉麟李元度等於六月初三日克復通城縣遂衆竄崇陽初六日復進克崇陽縣胡巡撫派總兵成大吉副將何紹彩知府毛有銘唐協和進勦初六初七等日收復興國大冶通山下州二縣其咸甯浦圻二縣亦於初六日收復李元度於六月十三日進攻義甯州十四日克復州城婺源界皖江浙三省之衝左京堂分兵移駐逆首賴裕糾合股匪於六月二十三日抵德興縣白

汝闕候選府王開化於二十七日擊敗之遂竄華準偽忠王李秀成
竄踞江西瑞州府分隘上高新昌奉新三縣李元度於七月七日克
復新昌初八日克復奉新上高之賊均趨瑞州遊擊賀捷華都司吳
得意等直搗瑞州都司易咸臨羅寅等首先登城遂將瑞州府城克
復七月十一日官大臣飭金剛琛舒保張啟基等迅籌攻克德安窰
地道轟城四面長圍困之賊奔河西伏兵四合一鼓緣登斃內外老
賊三四千名克復德安府城安慶省城淪陷九年矣即用道曾國荃
統全師圍之楊提督岳斌督水師絕其糧道七月十一日攻破北門
援敗走二十二日悍賊入中路二層濠二十三日二十八等日輪班
進攻曾道督兵應之三十日地雷成八月初一日卯刻轟塌西北門
城垣曾整隊而進斃賊萬六千有奇玉成等喪膽八月初二日楊岳
斌督派總兵王明山黃翼升趙三元等攻克池州府地拔之曾國荃

多隆阿派曾貞幹朱洪章等於八月初三日擊陳玉成敗之楊輔清各隊越山而逃副將譚仁芳朱希廣等由挂車河總兵雷正維楊朝林等由棋盤嶺總兵石清吉副將劉國寶由官板橋抵北西南三門至桐城齊集架雲梯奮勇登城賊出東門遁克復桐城縣城馬隊進抵宿松薄其城初八日賊竄黃梅遂復宿松竄黃梅之賊未及入黃梅城馬隊追抵東門賊駭散而走黃梅城中之賊亦開大西門而遁知縣覃翰元入城收復蘄州知州李瑜會同副將俞俊明水陸攻城與黃梅同日克復廣濟路逆亦膽落而逃十一日多都統派隊收復都統全隊紮蘄州曹家河扼下游以絕其援蔣凝學令投誠賊目劉維楨造偽英王陳玉成偽文誘賊出隊賊墮計八月廿四日率衆出城伺其離城已遠伏兵四起大軍搶城而入遂復黃州府偽忠王李秀成竄湖坊整隊河口我軍分五路會攻進擊賊開東門遁克復

鉛山縣之王明山黃翼升於八月十一日申刻克復銅陵縣副將羅
大春駐守嚴州府八月十七日府城陷賊薄餘杭知縣吳澄不能抵
禦同日亦陷湖北巡撫胡林翼斃於軍追贈總督 予諡文忠九月
浙逆由臨浦攻陷蕭山諸暨等縣分道犯紹興府城在籍辦團副都
御史王履謙會同守城文武堵禦九月二十九日賊奪門一擁而入
府城遂陷曾臬司國荃克安慶時無州賊日馬玉棠之妻子居安慶
曾臬司國荃生致不殺之不殺密諭棠獻城降機洩為偽頂王朱逆
幽閉馬黨攻朱逆我兵因之遂復無為州城浙中逆匪竄逼處州九
月二十七日由碧湖水陸進撲都城總兵特保等不能禦賊城為賊踞
溫州 攻溫州處道支方廉溫州鎮葉坤率兵固守
委同知銜前瑞安縣錢國珍星夜赴閩請兵提餉閩督慶安總兵秦
如虎記名道張啟暄救援十月初一日劉嶽昭劉維楨等克復隨州

江督曾奉 命兼轄浙江全省軍務署江蘇藩司吳煦勸諭互市英法各國會勦江督曾疏薦廷建邵道李鴻章率師進勦偽忠王李成秀成竄至浙江餘杭二十五日直撲杭州有城之武林門外賣魚橋二十六七等日藩司林福祥饒廷選引軍還省城賊大至十月初五日張玉良帶兵來援到營城外巡撫王有齡在城防守賊自海潮寺至鳳凰山以木柵為堅壘使城外隔絕十九日張玉良攻木柵中砲陣亡城久乏糧人多餓死甯紹二都亦失守杭援路絕守至十一月二十八日省城失守王巡撫有齡自經於署趨四日滿城陷將軍瑞昌副都統來存殉難學政張錫庚浙江提督饒廷選處州鎮總兵文瑞浙江鹽運司莊煥文漳州鎮總兵副將繼興先後死節十二月二十一日李世忠王茂元等督兵克復六合縣乘勝直擣天長擒斬逆酋龔長春降衆數千復其城上海縣劉帥膏集官紳立會防局結

兵勦賊刑正郎潘曾瑋入都謁軍機大臣議准

同治元年壬戌正月李世忠進攻江浦浦口守壘賊劉元成單玉功等為內應初四日揮隊直前劉元成率眾倒戈殺斃偽報王秦逆偽王宗操天福等七十餘名立復江浦次日浦口城亦復是月李定泰克復常山縣城秦如處克復平陽縣進勦温州賊道至樂清逆匪窺伺上海入青浦踞高橋英國人華爾約英國水師提督何伯法國水師提督卜羅德各帶砲船排列海濱華爾與英國人白齊文撲進進賊巢立將賊壘掃蕩華爾白齊文賞四品頂戴花翎二月左京堂由婺源入浙境連破賊巢十八日復大破賊於馬金開化肅清逆匪糾合檢檢匪圍州潁州布政使賈臻被困勝大臣由太和縣督兵馳援賈臻亦整隊出城夾擊城圍得解總兵張得勝砍倒賊目遂免店埠賈隘三月李鴻章統領相淮軍於初七日乘輪船東下初十

日抵上海淮揚鎮總兵黃翼升領水軍來會提鮑超知青陽在於速
攻乃於十六日銜枚疾進劉順隆等擊璩先登衆軍乘之登時將縣
城克復偽扶王陳得才勾合捻匪孫光危陳大喜兩股由河陽唐縣
直逼河南之南陽府城巡撫鄭元善驛師許昌官大臣派總兵何紹
彩田宜昌移營隨棗襄樊會勦並咨陝西巡撫英榮撥防高維偽匪
匡王賴文鴻竄入繁昌撲三山峽營同知曹貞幹於三月二十日潛
師襲襲其城於二十一日克復繁昌縣曹布政劉連捷等抗巢縣南
北路渡河在旂山等處紮營副將王東華鄧永林等率水師奮攻二
十日收復巢縣二十二日進襲和州二十三日克裕溪口含山之賊
膽落狂奔遂復其城二十四日賊向江州一帶銜走遂克西梁山鮑
超欲先取石埭以固徽州之防繼取涇縣以達甯國之路二十一日
由龍口直抵石埭從西北兩門斬關而入立復城池賊棄甘棠壘十

七座而遁我軍悉力追逐進撲太平西門奪高山俯瞰賊營潰棄城而走太平亦復二十八日追至涇縣城下毀其西門卡壘一擁入城又將涇城克復二十九日曾貞幹飛調魯港各軍各挾火具馳抵南陵放火轟塌城牆數丈各勇攀躋而入遂復南陵偽侍王李世賢撲衢州左京堂派兵馳抵常山攻克招賢關賊退走撲江山之賊至大溪毛村候補知府劉典會革臬李元度進攻賊退四月初二日張運蘭張運桂等方圖進攻旌德縣賊已宵遁遂復縣城曾國荃彭玉麟於四月二十日克復太平府城並克復金桂關移師次湖蕪湖二十二日曾貞幹黃翼升會攻縣城萬砲同轟羣賊內亂立將蕪湖克復王明山等復攻破烈山石壘三座偽英王即四眼狗陳玉成死踞廬州荊州將軍多第節攻打初十日張得勝設伏誘戰紮營緊逼城垣悍賊分出夾攻撲我軍後從賊後包抄斷其歸路賊大潰遂向

西北奔竄於十五日克復廬州府城陳玉成率餘黨竄壽州為苗沛霖苗景開誘獲並擒偽尊王陳仕榮偽從王陳德偽統天義陳聚成偽天軍主將向士才偽度天義陳安成偽禱天義梁頤及偽官二十餘人奉旨陳玉成在軍前處死傳首皖楚以伸國法而快人心陳仕榮等一併正法苗沛霖邀免重譴李恒嵩率松滬官軍與副將銜華爾之常勝軍攻克嘉定進規青四月十四日會已革提督曾秉忠遊擊曾毓行等攻青克青浦縣偽扶王陳德才偽端王藍成春偽增王賴文光偽啟王梁成富偽主將馮融和等均為偽英王陳玉成羽翼前由河南界逼陝西省城東竄渭南縣四月二十四日縣城陷知縣曹士鶴殺賊捐軀妻萬氏罵賊殉節川匪藍大順藍二順李短搭九年在雲南昭通倡亂李就擒二逆至是與髮逆陳德才等相通延建道李鴻章奉旨署江蘇巡撫接統諸軍四月十五日受事

即飭程學啟劉銘傳會英法兵於十九日攻南橋鎮法國提督卜羅德揮軍入城賊衆驚潰當克南橋鎮二十日進攻柘林金山賊匪來援擊敗之二十二日克柘林二十三日奉賢縣陳化鯤收復奉賢程學啟等追賊於南匯卜羅德於南橋督戰陣亡知府李慶琛攻太倉忠逆李秀成來援四月十九日賊大至全軍陷慶琛及同知周士濂死之賊由婁塘攻陷嘉定陝西股匪由華陰縣竄至潼關總兵哈達升道臺蔣徽陶固守復竄河南閩鄉一帶圍解副將張維義收復山陽縣賊竄浙之台州初三日署仙居縣費希濂擒獲斬殺逆首二名葛示當將仙居縣城克復即補道蘇鏡蓉初九日攻復台州府擒斬逆首二名初十日民團克復番巖太平甯海亦經義民克復己革縉雲縣周士英會民團於四月二十日收復縉雲總兵秦如虎於四月二十九日克復樂清縣二十六日間克復一府六縣民團之力為多

道員張景渠招集廣艇借助英兵甯波府鎮海縣城克復同知銜浙
江候補知縣謝蘭生奉閩浙總督慶瑞八百里調赴建甯行營委赴
江西催兵催餉復赴婺源界催左京堂統師接浙冰秦鎮如虎攻青
田四月十二日青田縣吳兆祥隨同官兵克復縣城五月初一日劉
銘傳等直逼川沙廳初五日克之五月初三日千總熊得勝開門廷
賊湖州府城陷在籍布政使銜福建糧道趙景賢被執不屈被害巡
撫例賜卹遂由潼關竄河南關鄉縣知縣王其昌巷戰死陝州知州
王詒駝援縣城立即克復偽聽王陳炳文悍賊直撲官軍新橋營直
逼寇城程學啟手燃巨炮開門冲殺賊卻而復進營官張志邦斬賊
目首級擲入賊陣逆眾駭退松江圍解石逆分股川入黔之正安等
州縣境韓巡撫派總兵吳安康等於四月二十八日暗伏鴨溪追殺
石逆仍竄入川攻綦江縣知府唐炯率勇由石佛岡進攻城圍立解

逆圍攻永甯經兵勇擊退另股賊匪勾結石逆攻陷長甯縣劉嶽昭等追擊賊遁回長甯陝西山陽踞逆蓋二順勾通鬻逆於五月初九日竄陷湖北鄖西縣安襄鄖道金國琛馳擊於五月十六日克復縣城偽輔王楊輔清踞甯國鮑超晏雲慶先攻破望城肉逆壘六月初八日鮑超率軍逼壘下寨十四日出大隊敗之十五日鮑超率軍驟進逆又大敗楊逆單騎走脫追勦潰匪收復甯國有偽保王洪容海顏綱輔逆獻郡降鮑超與之約期許以自新通郡城克復容海程夫廣德二十日襲取州城率眾六萬就撫曾大臣察其城乃許來歸五五月奏調湖南在籍候選道黃芳五品銜候補中允馮桂芬四品卿銜翰林銜翰林院編修王凱泰安徽候補道王大經安徽候補直隸州知州閻煒戶部主事錢鼎銘浙江知縣薛時雨江西建昌縣知縣王學懋等以資委任復調翰林院編修劉秉璋疏疎疎勅常鎮道高長

紳候補知縣俞斌候補知縣閔到俱視職五月十一日都司劉銘傳
知府潘鼎新令降酋吳建瀛劉玉林攻克奉縣賢縣城江蘇巡撫李
規取金山六月十八日叅將譚聯升華爾李恒嵩軍紮城根屢敗逆
眾二十一日將金山衛城克復江南提督黃翼升奉 旨統水師東
征六月初八日統四營至上海偽扶王陳德才竄河南宜陽府糾合
顏豪捻首陳大喜攻府城鄭巡撫派副將盧得勝由汝州豫往湖北
官大飭安襄鄖道金國琛候補道梁作楫馳援七月十六日圍解石
逆由四川大甯竄陝西平利縣擾及楚邊七月十九二十六等日
闖入竹鷄竹山二縣擊卻之豫省逆匪糾合捻匪竄湖北光化縣
之老河口千總能得勝在湖州開城延賊後受檢點偽職七月潛至
上海洋涇浜李巡撫訪獲正法梟示巡撫令諸將圖青浦程學啟韓
正國滕嗣武進屯彝山劉士奇郭松林屯塘橋第知縣李鴻章會同

華爾李恒嵩於十四日敗賊於北門十五日砲裂城垣數丈諸軍畢
登遂將青浦縣城克復分勦甯波之常勝軍亦會向前甯紹道張景
渠攻克復姚縣城八月閩浙總督慶瑞派鎮將秦如虎林文察攻處
州府城拔之縉雲縣敗匪亦遁去復其城將軍多隆阿奉命督辦
陝西全省軍務已抵商南奉旨勦髮逆豫擒該匪由浙川暗襲
荆紫關踞之多隆阿於八月二十一日回勦偽扶王陳德才偽啟王
梁成富偽主將馬融和迎拒副都統穆圖善趙既發姜玉順王萬年
分軍環攻斃賊無數遂奪荆紫關總兵成得升等於八月十八日擊
退光化縣老河口各逆由襄樊遁去華爾聞浙江甯波告警管帶常
勝軍於八月二十六日直抵慈溪指揮登城立將慈谿縣城克復賊
在城上放槍適中華爾胸腕子從背出次日殞命偽慕王譚紹沈攻
青浦官軍擊退二十八日賊圍北新涇八月初一日張遇春敗之於

法華鎮李鶴章程學啟趙泗溼七寶出賊後紹洸率悍黨圍袁學啟
苦戰賊潰巡撫李令上海軍分道合擊之賊遁吳淞江北黃翼升率
水師又敗之銘劄銘傳進至南胡賊逃走嘉定發逆擒匪全竄棗陽
金國策迎擊之逆於閏八月初七日竄陷隨州分股於十五日陷金
山縣擾及天門之皂市十八日陷應城縣十九日竄廣水驛擾德安
府官大臣嚴巡撫調總兵穆正春舒保道員梁作楫會勦又調道員
歐陽正塘防德安府以邁應山飭水師總兵張啟基策應副將周鳳
山一軍截擊應山股匪奏調多將軍隆阿調駐襄陽居中調度閏八
月初五日浙撫左宗棠攻克壽昌縣進逼龍游縣穆總由黃江口搭
橋過河擊賊於閏八月二十三日克復應城縣城應山股匪下竄孝
感縣之小河司二十六日賊撲麻城舒保等擊卻之賊後股由北城
關口闖入副都統德克登額知縣韓體震巷戰死穆正春帶驍鐵營

騎兵營總花凌阿隊馳抵京山踞逆聞風竄天閔八月二十六日收復京山縣城偽扶王各逆由安陸敗竄襄樊提督何伯請李巡撫鴻章會攻嘉定調白齊文率常勝軍於九月初二日收復縣城偽慕王譚紹洸偽聽王陳炳文糾衆十餘萬自太倉來犯北由蟠龍鎮至四江口圖踞黃渡以當青浦南由安亭至方泰鎮圍入南翔九月十二日賊逼南翔官軍戰卻之十六日黃翼升率水師自青浦出賊犯黃渡李鶴章張樹聲由江橋至黃渡會程學啟進擊敗之二十一日學啟劉銘傳郭松林三路擊之賊南岸會潰退崑山白鶴江之賊為常勝軍擊敗黃翼升追至三江口毀其浮橋劉平賊壘多將軍馳抵樊城三十四等日率隊至隨州界匪遁赴河南偽護王陳坤書於九月初五十二等日大股偷渡逼金桂關十八日總兵周萬倬一馬當先所向辟易賊退上馬渡浮橋斷回戈轉關衆軍合力圍殺焚

賊無遺花津青山象山采石磯各賊巢自二十二二十九日悉數平毀
蕪湖金桂關六十里賊踪以絕陳德才梁成富二逆徙安陽口偷渡
河西由均州白浪黃沙灘竄擾房縣二十一日入縣城次日知縣慶
明帶團勇克復匪竄擾竹山竹谿二縣德才先竄陝西之平利縣後
隊成富在竹谿之坪草鞋埡等處官大臣派梁作楫歐陽正塘勦辦
郎中李雲麟帶毅健營赴鄂西上津堡駐紮偽忠王李秀成親統十
三偽王帶賊六十餘萬圍聚金陵閏八月直逼大營九月偽侍王李
世賢自新來援九月十三至十月初二初三等日各賊潰敗進至牛
首山一帶掃平賊壘浙撫左宗棠署甯紹道史致諤前甯紹道張景
渠會英國兵守慈谿調總兵勒伯勒東及稅務司日意格帶兵直抵
上虞縣節節進勦用車輪大砲轟塌土城即於十月初一日將上虞
縣克復另股賊踞嵗新縣新昌者先後為官軍攻克左李會同馳奏

賊首賴文鴻古賢等自廣德竄入旌德之六都總兵朱品隆擊退十
七日十八日連之於大北門遂遁去攻涇縣之賊亦於十月初四日
擊賊敗其援軍總兵唐義訓即選道王文端攻績溪賊棄城而走唐
等回軍攻祁門大兵至賊即竄石埭太平即於初十日克復祁門十
一月十二日知府魏晉義偵知嚴州賊欲傾巢出犯設伏以待逆至
嶺脚伏兵齊起敗竄入城十三日魏晉義親督各軍潛抵郡城於西
北門雲梯而上立將府城克復福山鎮後山鎮對峙入海鎮鑾也常
熟守賊錢桂仁駱國忠董正勤與太倉賊首錢仁密通款於我軍為
內應十二月初一日率眾攻後福山許我軍方進規太倉風雪不得
進賊乘間陷福山官軍圍守常熟昭文石逆在川踞徽州之橫江雙
龍場等處十二月十二日蕭慶高何勝必分道進攻立將橫江兩岸
賊巢焚燬梟司劉嶽昭是日進攻雙龍場賊巢降賊郭集蓋內應賊

秦巢狂奔逃入滇境

武進謝蘭生晚季者

同治二年癸亥正月初一日偽匡王偽襄王等糾合偽瑞王藍蓮花旗廣匪進撲涇縣志銳薄城浙江提督鮑超聞警商隊疾往初六日出戰賊盡擁不撲我軍佯退誘賊入伏兩面夾擊大敗之賊欲歸壘而壘已為我軍所破立解城圍初十日藩司蔣益澧密約降賊彭高蘭內應誘擒賊目八名啟西門而入當將湯湊縣城克復總兵高連升等率軍收復龍游縣臬司劉典於十二日克復蘭谿縣金華府城踞逆劉政宏等見官軍進紮白龍橋由東門逃竄高連升等乘勢奪門而入遂復府城都司馮雲標於正月十三日擊退永康踞賊克復縣城總兵林文察同日攻克武義縣臬司劉典於十八日收復浦江進攻諸暨賊乞降於二十三日收復髮逆豫捻陳德才等於

二月二十等日陝
傳理乘履薄城收復
陽縣劉典規取紹興
督甯波軍將紹興府
合力攻勦克復桐廬
竄擒首逆張落刑聞
州英翰行營投誠領
王大營奉旨張落
逆等嘯聚西河等處
麒麟山四要隘悉復
力戰將賴裕新擊斃
一二十二日督兵勇

將駱國忠悉力扼守由西門殺出土擒逆首孝天義朱衣點賊匪極
多遂解常昭之圍陝西軍收復紫陽縣髮逆攻浦口江浦斷我糧道
糧藥均罄李忠力不能支潰圍而出二城復陷自請革職邀 恩
免議太倉踞逆偽會王綦元澄後改名元吉逃稟乞降李巡撫許
之命統領李鶴章總兵程學啟率師期三月初九日駐隊四門迎師
我軍嚴陣以待渡河將入城賊忽變李巡撫得報檄戈登李恒高統
常勝軍馳攻轟裂城垣十餘丈越濠而進殺賊無遺即於是月十五
日克復太倉州城進攻崑山程學啟令劉士奇周良才扼駐崑山之
更樓橋周市四月初二日敗賊北門賊復由北門犯士奇營陳有昇
宋有勝何安泰等擊敗之初八日周良才王永勝敗周市更樓橋崑
敗初九日水陸合攻南北門賊偽宋王偽綦王偽湘王犯周盛波營
設浮橋通河圍之盛波令孔昭佑周盛傳排槍砲內外合擊孔豫善

成以水師助之斷其橋賊始退李鶴章分遣余恩樞衛汝忠敗賊於
太廟河川橋黃中元何映文敗賊於李家灣以漢頭學政令良才率
四營擊賊後士奇分左右翼進自親督親兵繼之戈登亦以炸炮助
功破賊二十四營殺賊萬計遂奪正義鎮絕蘇州援賊而斷其竄路
賊潰遁令陳有昇宋有勝屯馬偽慕王潭紹沈以四萬賊來爭敗之
今鄞松林滕嗣武率水師抗隘口周良才鄞國魁扼北門橋何安泰
龔生陽張志邦立隊東門學政督親兵當正義大通紹沈統悍賊出
伏軍盡起水師環擊大敗入城令合攻之十四日遂克復崑山擒賊
七千餘黨賊三萬餘紹沈從陽澄湖遁去遂踞皖南黟縣王文端等
擊之於七里橋小路口千佛橋等處左京堂沈葆楨各派兵進勦十
七日浙臬司劉典會軍分攻賊傾巢出左右夾擊紛紛潰敗當將黟
縣克復派恭將韓進春攻祁門陣斬偽孝王胡鼎文梟示四月忠逆

李秀成圍六安州鮑超往援初二日圍解遂克東關銅城牯戈登程
學蔭於四月十二日分頭直抵城下雋雲梯蟻附而上十四日克復
偽城賊踞巢縣臬司劉建模自河南馳騎至鮑超冰兵從廬州西來
會勦遂於二十二日夜克復巢縣二十四日與提督蕭慶忻會師於
含山賊宵遁晝夜往襲和州賊不及逃乞降盡脅從斬頭目以徇整
伍入城四月二十二日劉銘傳黃翼升攻克江陰屬之楊汎勞崇光
赴雲貴總督任由川入黔甫抵綏陽進黨萬人竄至勞馳抵狂草汎
民暴號召鄉團分投部勦飛調總兵沈宏富馳勦四月初八日軍練
分道進勦殺賊千人匪由山徑小路遁竄偽翼王石達開率黨四竄
犯浙江福建兩湖兩廣並及滇黔蓄意入川以圖竊踞率大隊由雲
南米糧壩渡金江四月初屢次搶渡均被擊回土千戶王應元等或
扼林松林河或占馬鞍山絕賊糧道石達開自知陷入絕地二十三

日親擁大衆水陸分撲謝國泰楊應剛等由小河馬鞍山齊進焚燬賊巢逃竄之賊復經漢士兵練夾擊石達開進退無路為楊應剛等擒獲解首訊明極刑處死偽南王馮雲山偽西王蕭朝貴湖南擊斃偽東王楊秀清偽北王韋昌輝即韋振自相殘殺偽翼王石達開今滅於四川浦口踞賊棄城遁走江浦之賊獻書詣營乞降鮑超劉連升知其詐於五月初九日引軍疾進蕭進行亦引軍來會進次江浦賊已宵遁遂將浦口江浦一併收復初十日將有事於九洲洲曾巡撫彭侍郎楊提督派總兵丁泗濱喻俊臣等分隊縱火焚燒賊船蕩平下湖草鞋夾十四日襲破燕子磯北岸使堦一道可達九洲洲賊濠之外劉連捷等督師由隄堦闕處急水而進十五日進攻初更時移近賊壘各軍升岸躍過重濠肉薄齊登前鋒既殪後隊繼進二更越牆撲入羣賊聚斃遂奪九洲洲偽城長江一律肅清曾帥圍藩以

蘇郡可圖太湖可進令處州鎮總兵李朝斌統率太湖水師下駛協
勦令擬酌分三路堵勦由崑山進蘇州為一路程學啟陸軍當之由
常昭進江陰為一路李鴻章劉銘傳陸軍當之以署提督黃翼升督
淮揚水師往來調度相輔並進戈登常勝軍移駐崑山各路援應由
湖潑湖進吳江平望太湖為一路李朝斌水師當之以上三路皆規
取速勢以剪蘇州枝葉而後圖其本根也又令常鎮道潘鼎新扼金
山衛編修劉東璋扼涑涇副楊鼎勳扼張堰以防內竄吳江與振澤
二縣當江浙之冲賊黨分紮花涇港同里鎮等處將圍蘇州李巡撫
令程學啟李恒嵩抗九里湖口親督戈登取花涇港賊梟水道程學
啟劉士奇督水陸夾擊賊潰將同里鎮賊營蹋平李恒嵩先毀北門
外賊卡六月十四日程學啟督軍進逼城根合力攻勦守賊開門出
降吳江震澤二縣於是日長刻克復七月偽堵王趨湖口初三日江

督提督在望山營中俯瞰文橋七壘火尤熒若隱若現度賊將遁
約浙江運司李榕出隊會勦賊不料官軍猝至各勇踰濠蟻附而升
立將文橋七壘平毀賊向建德遁出江西境內肅清江西蘇巡撫李
鴻章派編修劉東璋等進紮官塘十三日劉東璋祭渭川開砲轟擊
楓涇嘉善突出之賊都司曾守忠已由楓涇西路將黃涇塘賊壘攻
克東璋等攻克楓涇由楓涇進西塘水師張元龍攻西柵楊寶勝攻
北柵賊由南柵冲出江福山由馬鳴庵沖入烏塘斷平窰之道熊殿
元環施排砲登岸斷往來之道楊鼎勳張元龍分攻北柵西柵斬擒
無數當將各逆壘踏平西塘鎮一律肅清劉銘傳等攻江陰屢獲勝
仗七月十三日獲逆陳坤書及潮逆武逆齊逆五股由常州分道來
援李鶴章張樹聲馳救郭松林且戰且進直逼城邊七月二十九日
五鼓松林樹聲馬隊埋伏山後劉銘傳周盛波等循城出其右黃翼

升水師扼江千賊層層抵拒松林銘傳樹聲等直搗橫沖賊遂大潰
鶴章飭令將城四面圍困七月三十一等日官軍分攻內
應齊舉是夜緣梯而登賊衆披靡僞廣王李愷順墮水死江陰縣城
克復八月十六日上海軍攻拔蘇州寶帶橋鎗戈登龐發駐守浙江
巡撫左宗棠派蔣益澧圍攻富陽八月初七日令徐文秀攻鷓籠山
賊壘楊政漢攻倚城賊壘劉清望李運榮等助勦王月亮等併力進
殺將富陽縣城克復髮捻退出紫陽八月合甯漢中府旁擾城固縣
藩司毛震壽截擊賊勢鴟張漢中府於八月二十日失守城固縣於
二十七日失守江蘇軍九月十一日程學啟周正林李朝斌等攻克
克五龍橋戈登守之學啟會軍八尺擒僞貴王陳得勝獲船數百隻
追至平望鎮各賊奪氣金陵外輔江東橋上方橋近東城者中和橋
雙橋門七橋壘稍遠者方山土山上方山方門高橋門迤南則為林

陵關曾巡撫以博望一鎮朱鎮南控取已得之因於九月二十五日
派總兵伍維壽道員陳湜與總兵熊登武會師中和橋一戰克之林
陵之賊奔潰紫荊山無賊寨矣偽奉王古隆賢踏石埭太平旌德三
縣道人通款獻城乞貸一死曾大臣許其降二十八日調守太平
之江老三歸不壞遂於二十九日收復太平旌德賊先遁餘黨聚城
歸降與旌德三城悉復吳坤修將歸取水陽二十六日乘夜攻破之
成發翔王可升攻新河莊又破之李秀成由蘇州集偽納王郅雲官
偽來王陸順得偽趙王黃章桂偽拜祥王黃隆芸偽紀王黃金愛並
養子忠二殿下水陸十萬備我大橋角營逆夷白齊文以輪船大砲
助之李鶴章遣十二營往援三十日賊盡銳猛攻勢甚殆周壽昌率
死士持火器伏河千發之猝中輪船火葯房焚其長龍砲斃賊及洋
人數百賊不支遂退黃埭鶴章令嗣武樹聲復勦敗之二十九日彭

侍郎令吳坤修取

議攻高瀉賊首楊方

日甯國府守將劉

黎立新請為內應

王楊輔清逸出守

為標宣諭張勝祿

楊英清願軍械

自克蘇口黃埭後

甯賊數無數遂得

順甯路而藍二

陽藍二順於四更

十二日李廷機

迎拒死戰常勝軍肉薄以登賊遁入城中二十日黃翼升等攻破齊
門賊壘楊鼎勳等攻破盤門賊壘官軍三面薄城時城賊膽寒乞為
內應二十日忠逆李秀成率死黨萬餘冒遁三十四等程學啟李
朝斌黃翼升諸鎮將各門分攻愈逼愈緊二七日偽慕王譚紹洸
上城抵拒偽納王郅永寬等出其不意將譚紹洸乘間刺殺門迎降
二十營仍屯圍盤齊四門郅逆並不雜髮程學啟白李巡撫必誅
之二十六日逆出城請按其狀叵測及將郅永寬及偽比王伍貴文
為康王汪安均偽甯王周文佳偽天將范啟發張大洲汪懷武汪有
為各逆駢戮之程學啟等統帶隊伍入城斃悍賊數千李朝斌等復
由盤門等處截殺斃賊多名解散數千人立將蘇州省城克復李鴻
章奉旨加太子太保銜賞穿黃馬褂十一月張樹聲李鶴章進
取無錫初二日官軍攻破東北南三門賊營十餘座破張其西南二

營城賊漸移吳建瀛郭松林黃翼升分飭各軍一擁登城生擒溺斃者無數救解難民萬餘當得無金錫金匱二縣克復劉銘傳進攻常州府由城北鄭陞橋羊頭橋間道進李鶴章張樹聲由無錫至今溪營前進十四日破圩塘賊壘又進破南門賊營四座逼紮城根嘉善與重縣接壤城東張涇滙當其冲十一月初四日攻克復張涇滙元是年浦守賊乞降十二日收復乍浦駐防城十三日收復海鹽縣十四日收復澉浦鎮孟河汎程學啟速攻平望鎮嘉善賊聞平望已克懼而乞命李宮保鴻章令程學啟圍之二十七日收復嘉善縣浙江巡撫左宗棠抵富陽後飭各軍進勦餘杭賊衆撲營蕪益澧三向燬之擒歸王鄧光明被破轟斃飭高連升等進攻鳳山門外破賊九壘追奔遂北直抵城隍山脚十二月初逆首偽章團王團奔牛鎮勢甚迫奔牛旁境如孟河汎石橋灣羅墅灣夏野各汎有陷劉銘傳郭

松林且戰且行車鶴章調槍隊繼進繞赴李士橋與銘傳軍會郭松
林等攻賊東南黃中元等攻賊西南奔牛鎮營守唐殿魁等沖出夾
攻賊四面驚亂奪門狂奔各鳥獸散奔牛鎮之圍立解 同治三
年甲子正月陝西巡撫劉蓉派提督何勝必蕭慶高等於正月初十
日攻破法慈院賊巢會曾克勝等直搗漢中府逆首慌亂乘其欲竄
斬關直入當將府城克復中橋逆匪竄往城固一帶其竄甯陝聽股
匪謝正球擊退正月初間髮逆李世賢黃文金等由甯國上竄初六
日稍績溪縣直撲徽州左京堂自屯溪與唐義訓會攻初九日王開
琳擊賊於七里牌賊由東西門遁出立將績溪縣城克復正月二十
九等日張景渠會英國總兵法樂德達耳第福與賊戰下方橋安昌
塘逆眾節節敗退達耳第福銳進陣亡官保等巡撫以洋將德克統
其軍以斷蕭山援賊城賊楊應柯約期內應二十五日城中火起應

柯開門迎降收復紹興府城諸營民團趙春林等分攻各門亦於二
十二日將諸營縣克復各軍由安塘柯橋進攻蕭山擊紫守城賊多
名緣梯而上於二月初二日克復蕭山縣蔣益澧令蔡元吉李邦選
等帶師分紮桐鄉東北二門偽朝將何培章於初六日赴遁員張景
渠營檄偽印軍械乞降許之初八日收復桐鄉縣正月十六日何必
勝蕭慶高攻破上元觀進攻城固緣梯登城賊驚潰向東南奔甯甯
將城固縣城克復乘勝進逼洋縣潛遣精銳入城設伏舉火為號各
軍奮勇登城監逆等由東門向華陽一路竄去洋縣城池亦復李鶴
章令郭松林戈登李恒高楊縣鼎勳洋將吳敘羅殿等於正月十九
二十二等日分路攻宜興偽代王黃精忠由張渚連西汛來
接官軍洋槍排擊吳勝清等三路包抄賊勢不支奪路狂奔戈登等
督砲船攻北西南三門愈逼賊閉西門而去於正月二十四日將

宜興荆溪二城克復程學啟進規嘉興炮裂城垣十數丈賊拚死抵
拒傾火藥下擊總兵何安泰等中槍陣亡未能得手二十八日湖州
賊犯威澤王江涇後路營盤敗之曾巡撫於二十一日攻克鍾山偽
天保城程學啟思亟復嘉興於二月十五六日分攻各門十七日督
所部洋人巨砲轟塌城垣百餘丈十八日湖州賊目新膠來援官兵
擊走學啟會同朝斌等督隊乘城矢石如雨學啟奮不顧身率勇士
大呼殺賊入肉遂以登致受槍子傷部將劉士奇等舍命率隊登城
賊衆紛紛潰竄各軍整隊而入守城悍逆圍殺盡淨遂將嘉興府城
克復學啟傷重旋卒程學啟兵不及萬以勳必爭要隘斷援道以制
賊賊雖悍且多乃不克拔其千將畧偉矣學啟懷甯人浙江巡撫曾
國荃圍皖時投誠所向有功官保李鴻章慟之請以提督賜卹諡忠
烈自克宜荆進圍溧陽郭松林等直抵縣境逆懼賊目吳杰等率衆

投誠當將溧陽縣城收復二月初五日賊犯江陰初十日犯常熟十
一日犯福山李鶴章自無錫分兵至江陰駱國忠擊敗之撲常熟水
師截擊敗走十七日追賊劉家橋福山熟圍解道員席賢田攻江西
金溪縣遁克復縣城髮逐諸杭州有地城及餘杭縣二月二十一日
官軍大勝洋將德克碑在饅頭山砲轟鳳山門城築三大餘蔣益澧
於二十三日攻慶春艮山等門賊壘是夜五更啟武林門向德清一
路竄走益澧督隊緣梯入地城二十四日卯刻將杭州首城克復餘
杭之賊同日由東門逃竄左京窠見城中火起分路追勦餘匪竄平
望鎮當將餘杭收復三月二十三日西安將軍多隆阿督兵攻整屋
逆匪藍大順受槍子傷回營而死二十四日穆圖善等攻拔之杭州
餘匪竄武康德清石門三縣左宗堂派羅大春等攻武康楊而桂等
開門降逆首吳海勝逃走收復武康縣高連升等攻德清縣賊棄城

走德清亦復益濃鎬李邦達等進逼石門踞逆鄧元明出城就撫遂於初五日收復石門李耀南擊竄孝豐股匪救出難民數千偽守王方海昇糾結偽翰王項大英偽列王方成宗同守句容三月初五日鮑超督軍馳攻初六日次句容之塔岡賊悉銳來撲與恭將黃海清總兵婁雲慶三路搏戰賊大譁欲遁我軍直通城下賊啟南門出將士縛二酋內應本徐本邦指擒二酋曰此偽翰王項大英偽列王方成宗也遂即正法初七日克復句容縣城率隊攻寶堰賊壘偽顯王袁得厚遁去常州城西之賊連營十三里直達丹陽金壇路三月十四十五十七等日宮保巡撫李鴻章派各軍水陸夾擊盡毀賊營絕賊西竄之路二十二日圍直大雨未能得手乃罷攻鮑超於二十日攻克金壇縣復其城偽忠王李秀成回金陵主持守局以衆悍酋布滿蘇浙以踞守蘇州之偽慕王譚紹先偽納王都永寬踞守杭州之

偽聽王陳炳文偽歸王鄧光明踞守無錫之偽潮王黃子澄為最二
十六日吳敏芬吳敏蘭等追賊於丁上橋斬偽直王林得英林天安
黃有才於陣偽護王坤書踞常州宮保李巡撫鴻章於四月初五
日令洋將戈登率砲隊攻南門令提督郭松林總兵楊鼎勳攻西南
提督劉士奇王永勝攻東南劉銘傳攻北門初六日轟破城數十丈
宮保李巡撫鴻章督軍四面環擊奮勇登城賊抵死抗拒劉銘傳將
隙遂大股逼入街心龔生陽罕入擒為贖王周盛波擒偽列王城內
悍賊殲戮無遺常州府城仍於四月初六日克復克復與咸豐十年
失守月日相同僧王勒辦擒匪擒首張總愚曰河南鄧州入棗陽四
月至隨州楊朝林梁洪勝均獲勝河南巡撫張之萬於信陽州等處
會勦亦獲勝仗提督馬子材圍攻丹陽詹啟綸助之陣斬偽天安飛
天安賊首二名初八日官軍斬闖入偽列王陳時永等拚死巷戰陣

斬各偽王生擒洪秀泉妻弟來王賴桂芳等克復丹陽縣城髮逆犯
江西之撫州總兵普承忠撫州府吳祖昌等擊退撫城圍解偽列王
林彩新竄弋陽境道員王德榜督飭各營會同江西水師截擊賊敗
走浙江長興界連宜興溧陽廣德州潘鼎新一軍屯南潯震澤扼之
十一日郭松林一軍進抵長興湖州廣德之賊來援劉士奇等擊敗
之官軍分門逼攻縱橫進擊五月二十四日轟塌城垣十餘丈揚鼎
勳劉士奇率勇緣梯而上郭松林宋德鴻首先冲入劉興隆等一擁
齊登賊由西門冲出殲斃無算遂將長興縣城克復復西路竄踞孝
豐之賊分犯百丈裏為羅大春擊退六月初三日周廷瑞等潛師抵
城劉璈督師繼之城賊逃竄初四日生擒偽咸王陳榮老賊二百
餘名救出難民五六百名收復孝豐縣 命西安副都統穆圖善為
荊州將軍接統楚軍復調赴甘肅與原固提督雷正瑄辦西軍務六

浙江巡撫曾國荃統帶各軍克復江甯省城生擒偽忠王李秀成
等全賊降賊盡數殲滅各賊供稱洪秀泉於本年五月服毒死瘞於
宮內偽幼王洪福瑱重築偽號城破後積薪自焚李秀成匿內民房
經諸將四等親目搜出並擒偽王次兄洪仁達其餘兩湖等處多年
悍賊經將士於十七八等日搜殺盡淨捷聞曾國藩賞加太子太保
銜錫封一等侯爵世襲罔替賞戴雙眼花翎曾國荃賞太子少保銜
一等伯爵賞戴雙眼花翎記名提督岑成典錫封一等子爵賞戴黃
馬掛賞戴雙眼花翎蕭孚泗錫封一等男爵賞戴雙眼花翎在事出
力各文武給賞有差七月初一日 皇上修告成禮僧格林沁再賞
一員勒令其子受封兩湖總督官文賞一等伯爵世襲罔替江蘇巡
撫李鴻章賞一等伯爵賞戴雙眼花翎陝西總督楊岳斌兵部侍郎
彭玉麟加太子太保銜一等輕車都尉世職四川總督駱秉章一等

輕車都尉世職雙眼花翎浙江提督鮑超一等輕車都尉世職西安將軍都興阿江甯將軍富明阿廣西提督馮子材均騎都尉世職原口副都統魁玉雲騎尉世職漕運總督吳棠頭品頂戴仍交部從優議敘鮑超於七月攻金溪東鄉宜黃崇仁南豐五縣初十日收復崇仁十三日收復宜黃東鄉之賊初十日圍東門奔逃鮑超尾追至金谿總督隊攻北門東門賊即於是日竄出克復金谿縣城南豐踞賊尚固守不走韓進春分勦新豐賊卡寨賊千餘城賊懼逐竄收復南豐江蘇巡撫李宮保鴻章派郭松林等攻湖州府二月十七日等逆首黃文金率悍黨來爭松林等分三路拒之力挫賊鋒潘鼎新會攻八里店水陸夾擊賊眾敗潰三里橋之賊望風而奔李朝斌劉秉璋張樹聲進大錢口至湖州城下由東門攻入斬馘甚眾立得湖州府城克獲知府吳統芬督兵攻克長興屬之四安鎮偽昭王黃文英偽

幼主洪福璵據廣德州李宮保檄劉銘傳馳勦周威波前隊於七月二十九日至橫山頭溧陽守將周威傳亦領軍至賊由南門逃竄王將廣德州克復浙江官軍亦收復安吉縣城自金陵克復羣逆無巢可歸無路再竄頭目汪世弟張啟才李容楊傑錦鳳等率二萬衆投張得勝何紹彩軍前乞撫偽天將馮融和投誠於英翰郭寶昌軍中偽端王盛成春走僧王翼長成保處乞降偽朝將魏康福范立川陳漢泰周添順等赴凝學軍前請撫先後遣散十餘萬人所遺髮逆無多由僻路潛散擒匪窟回河南王德榜由浙江馳入江西在玉山鉛山營豐上饒鉛山界獲勝陣斬逆首洪元珍金信等生擒偽譽王李瑞生廣信兩清逆由新城敗竄臬司席寶田追至廣昌疾進生擒洪秀榮和洪中王洪仁珩等及老廣賊暨偽僑禦列王洪秀泉元偽王洪仁洪仁洪元金弟偽昭王黃友等百餘名九月十一日飽

飛援甯都州立解城圍生擒偽朝村王金瑞等賊目百餘名皆軍前
正法閩浙總督左宗棠探知洪福瑱等已潛竄江西廣昌餘席寶田
派員搜拿游擊周家良於廣昌石城峽谷中將該逆洪福瑱拿獲粵
匪遂平江西巡撫沈葆楨一等輕車都尉世職卹項戴鮑超一等子
爵席寶田雲騎尉世職賞穿黃馬掛閩浙總督左宗棠一等伯爵浙
江布政使蔣益澧騎都尉世職

題詞

木中錢泰吉

謝若昔日曾從戎軍門論事驚凡壘有手恨不能殺賊濡染大筆思
勸忠死夷難盡著錄託始吾浙之甬東姚知縣全典史李縣丞先
後死 朝廷重奇果何人莫謂死職無文臣不見乍浦同知韋達甲
上海典史楊慶忠與夫運餉知縣顏履敬皆不避賊圍生存事聞荷
恩卹乃共武臣死難同蔭其子孫武臣首數陳提督吳淞作鎮若

山岳壯哉至死猶橫預從之死者有六忠不愧將軍之部曲廈門與
虎門大角連以角閩粵諸將多死綏後來角上四鎮亦卓犖更有朱
家父子兵賈山頭死尤酷死酷功實多從死之士卒其名亦不磨所
情張總戎功罪猶殊科同時有直筆若文若詩歌誦君一一勤搜羅
天和謝君劇好事先遣收藏棘闌字異時攝職之永嘉突兀堂前見
題誌完人遺墨得人并力透紙背想忠義更敦華蓋謁雙忠弔古傷
今同一致同官醜錢新崇祠碑傳遺文急編次先人記錄有思賢續
以景忠思可連類開緘字字光芒寒讀之使我慘不歡粵西方探赤
白丸願以此激壯士肝嗚呼洪楊小醜勿蔓柯即日蕩平罷征戰安
良除暴賴郡縣豈無治行稱最善諸君更補循吏傳

嗚呼以匹夫弄兵流毒十數省禍延十餘年翳古以來未有若今洪
逆之甚者也誰為為之孰釀致蓋自新甯李沅發而機始露未嘗不
關于粵西大吏之往日姑息也假令往時得一二賢尹譏祭之糾懲
之事即已耳雖烏向諸公皆可不勞又何待于沅湘之義師哉事已
起矣亂興矣於時楚中諸軍尚未集也設非有一二稍能自振拔者
奚能待至庚申湘鄉受命督江省之日耶故余以為僧親王向忠武
琦善李孟羣勝保張國樑雖不能與益陽湘鄉抗而或得其全力或
効其一長或資生鎮之功或藉剽銳之力是皆不可沒者也秋風動
人優游自適回思往事宛在目前而昔之河朔少年今漸頽然頭白
得母有感極而悲淒然隕涕者乎然能獲安于仁壽之宇駢蕃子孫
福祿來集即使終老田間未始非此生之幸也

同治十一年秋八月丹徒莊忠棧謹跋